



明詩紀事卷十九

貴陽陳 田輯

田籤

烏斯道 五首

斯道字繼善慈谿人洪武初以薦起知石龍縣改永

新坐事謫戍定遠尋放還有秋吟稿春草齋集

四庫總目烏斯道詩寄託深遠吐屬清華能剷除元人

繁縟之弊列朝詩集繼善精楷法罷官後求詩及書者戶限常

英英木 鄭梁寒村見黃稿春草先生善李工畫精琴楷書行

草尤妙為文章質實有體裁詩則清新瀟灑一洗元

人雕鏤填砌之習田按繼善在明初以文名詩亦高秀以事謫戍定遠

放還鄭千之寄繼善詩云謾傳海外蘇公死終謫羌

村杜老還紀其事也列朝詩集詩綜均云以疾去官

蓋未得其實矣

瀟湘水雲

英英水上雲乃在瀟湘間朝隨江風出暮逐江風還盤旋復

縹緲遙接九疑山重瞳不可見但見江竹斑明月照洲渚於

馬發長歎

驅車陟太行中道車輪折挽舟泝河流中流縷縻絕前途鬱

漫漫徬徨欲懷歸積雪被長坂洪濤蕩寒暉胡不戒未然閩

中慎所之徒懷百年志自貽千里悲

題扇頭山水贈殷本初

海上神仙窟分明入畫圖山雲連太白溪水落東湖路覺行



邊斷亭從僻處孤直教殷處士城市迹全無

遊寶峰菴和僧穆菴韻

亂山窩裏縛茅菴路轉東溪漸向南林鳥每留閑客住野爰
時對老僧談庖分夜雨巖前溜閣貯秋雲塢內嵐誰把新詩
題瘦竹一枝搖動翠氍毹

關峰

春山花發雨霏霏花雨會沾闕相衣今日山花依舊好春風

吹雨溼僧扉

顧祿四首

祿初名天祿字謹中松江華亭人洪武初以太學生

除太常典簿遷蜀府教授有經進集二十卷

明詩紀事卷十九

二

青溪暇筆太常博士顧祿善詩歌有過番陽湖詩其一
聯云放歌今日容豪客破敵當年想至尊聞入禁
中太祖命盡進其作一日近臣入便殿見上所常御
之處有祿詩數帙蓋深喜之也
華亭志顧謹中能詩善書行楷學蘇文忠公而尤工
於分隸
畫史會要顧謹中善雜畫亦能鉤勒竹石
列朝詩集顧祿少有才名嗜酒善書高士敏贈詩有
田京詩博士一代酒神仙之語
兩按謹中詩看似汪洋大篇實則一覽易盡集中短
章較工亦才限之也

和子瞻四時詞 錄一

午階初轉梧桐影玉椀清冰敲齒冷蝶夢驚同寶簾開龍涎
鼻斷金爐靜蘭湯浴罷挹香中粉汗都消肉色勻十二畫闌
隨處倚晚涼天氣更宜人

春夜曲

闔閭城西百花洲漲天花氣紅雲浮飛觴未盡白日興秉燭
更爲清夜遊筵前美人歌莫愁坐中上客醉未休明朝花落
春易老綠樹重重唳栗留

火後過南山禪寺

南山真勝境劫火已無遺
牢落殘僧少淒涼過客悲
草荒行道地水澗放生池
最憶瓊師逝無人爲論詩

題元鎮畫

往年曾訪天隨子煙樹微茫過太湖
雪色寒鱸臨水買翠陰
春鳥隔林呼只今圖畫渾相似
如此家山住得無
皎皎白駒空谷裏令人搔首憶潛夫

浦源五首

明詩紀事卷十九

三

源字長源無錫人洪武中晉府引禮舍人有舍人集

十卷

國雅浦舍人長源詞彩秀潤元美品浦林爲小乘法
師言未到佛境界也舍人句云聽雞曉關疏星白走
馬春郊細柳黃衣上暮寒吳苑雨馬頭秋色晉陵山
亦是相中色謠時王學士達善王舍人孟端爲同邑
名人學士有路分京口樹帆渡月中潮舍人有臘釀
多藤酒春禽半竹籜並稱秀句湛李之後錫中之賢

稍嗣中落

明詩別裁舍人名句詩中有畫

田按舍人非徒善詩兼長於畫趙景哲題浦舍人梧
竹圖詩云頗懷出塵想飛思凌滄洲湘江夜來雨寒
色川上浮程原道題浦舍人畫梧桐竹石詩水窟著
弟子浦長源風雪相逢白下門請寫江南山水窟著
我讀書秋樹根舍人遊閩以林子羽賞拔得詩名集
中合作不在子羽下

送人之荆門

長江風颭布帆輕西入荆門感客情
三國已亡遺舊壘幾家

猶在住荒城雲邊路遠巴山色樹裏河流漢水聲若過旗亭
多買醉不須弔古漫題名

筆精浦長源送人之荆門詩近見一詩話載此詩稍異今錄於後正馬南歸望古城半林殘雨夕陽明雲邊路繞巴山色樹裏河流漢水聲墮淚有碑苔色古甘棠無樹酒旗橫那堪回首成陳迹笳鼓西風慘客情詩話無名氏余得之杭州僧房周亮工閩小紀林子羽以薦至京師應試賦龍池春色詩名動京師既歸家從者如雲毘陵浦舍人聞其名往見之子羽不出使弟子周玄黃玄往見之問其來意曰欲爲詩耳因出所作二玄讀之至雲邊路遠巴山色樹裏河流漢水聲驚曰此吾家詩也因白子羽出見之定交而去

寄袁二

長安年少羽林郎騎射翩翩侍武皇弓影醉開孤月滿刀頭
新買百金裝聽雞曉闕疏星白走馬秋郊細柳黃應募玉門

明詩紀事卷十九

四

關外去請纓生繫左賢王

送人還鄉

都門楊柳拂離筵歸路青山水國連三月春陰垂細雨幾家
寒食起新煙聽鶯谷口停行蓋立馬江頭問渡船此去故園
應酒熟杏花開遍草堂前

林七員外園亭夜飲得河字

都亭分袂惜蹉跎此夕相逢奈若何細雨疏燈聞落葉斷雲
高樹見明河客踪迢遞天邊雁歸夢微茫海上波鞍馬朝來
又成別且傾尊酒一長歌

汾上旅懷

汾水連雲起白波河梁欲渡奈愁何故鄉莫指并州是歸夢

江南夜夜多

馬琬 一首

琬字文璧江甯人一作松江人洪武初官撫州知府有灌

圍集

西湖竹枝集馬文璧自少有志節詩工古歌行尤工諸畫然皆其天姿之所出也

貝瓊清江集文璧早歲從鐵崖楊公授春秋學尤工詩與書畫每遇佳山水必托之豪素有董北苑米南

宮之法輒自題其左時號三絕灌園集凡五百餘首余誦之不啻鼓空桑以破瓦缶之音進太羹元酒而

撤芻豢之味信其發於天機不待雕肝琢腎之爲工也

畫史會要馬琬號魯鈍松江人山水宗董源善平遠曠闊之景

蘇州題趙仲穆竹西草亭圖

楊子宅前好修竹因看萬箇碧交加薰風滿簟吹蒼雪春雨

明詩紀事卷十九

五

充庖盡玉芽茶日或聞來北牖籜龍未許過東家時時彷彿

揚州去拄杖尋君又日斜

李日華紫桃軒雜綴華亭楊竹西住張堰家有不礙雲山樓與曹雲西顧金粟倪元鎮諸公遊吳釋寫其

像元鎮爲布樹石而諸名士題咏之余家有楊鐵崖書竹西記趙仲穆作圖而馬文璧諸公皆有詠蓋風

流文雅之俠也元季士君子不樂仕而法網寬田賦三十稅一故野處者得以貲雄而樂其志如此

田按楊元誠名珥竹懶六硯齋筆記云誠氣豪而有清尚一時諸公皆與往還晚棲峯泖間種竹千竿

自號竹西居士趙仲穆圖楊廉夫作記元誠自題云翠玉蕭蕭在屋東主人歸作竹西翁仲穆張伯雨馬

文璧錢惟善陶宗儀皆有題咏此卷國初入高江村詹事家向有金華邵衷月樓趙楠題咏楊循吉黃

雲跋語竹嬾所末紀也顧俠君云松江志載楊謙別號竹西讀書不仕家有不礙雲山樓楊維禎貝瓊爲

之歌詠則似乎又有一楊竹西矣豈元誠謝歸鶴沙時變易名號郡志或未之考耶據此則竹嬾所紀或

有外誤姑錄於此以俟參考

畫裏史謹字公謹崑山人洪武初以事謫雲南後用薦為應
天府推官降補湘陰縣丞罷官僑居江甯以終有獨

畫裏史謹集三卷

四庫總目史謹詩不涉元季釋靡之習亦不涉宋季酸
腐之調平正通達而神采自然高秀在明初可自為

梅一家

梅花草堂集史謹字公敏少從毘陵倪瓚郡人高啟

遊博學好古工詩什善丹青讀偶武孟集得所為與

史敏結交行十篇其詞云故人故宅居叟城嗟予避

地臨東溟兩鄉相去不多遠擇交已結雞豚盟適從

別來三十載百粵東西隔嶺海臨風對月每思君人

莫滾滾知何在我今行年七十餘客遊都門扶病軀

北幾度論心話疇昔輔車今日幸相依故作歌詩寫

胸臆崑山志云謹字公謹誤也

周暉金陵瑣事史謹太倉人流寓金陵自號吳門野

樵工繪事長於寒林雪景嘗自題其畫云雨餘山色

翠如苔樹杪寒煙溼未開童子無端掃紅葉隔林知

有故人來集中佳句七星關云路遠家難問愁多酒

易醒西山精舍云磻戶峰留蜜松巢鶴墮翎遊清涼

寺云古徑依山轉清溪向晚哀攬秀樓云殘霞擁樹

作秋色空翠襲衣生暮寒送屠先生南浦斜陽芳

草色東風曉翠鳥落花天日晏為張布政賦云靜遞青

春同禁柳暗移白髮上朝簪萬松軒云秋聲出樹曉

無迹雲氣入簾風滿庭遊天界寺云地煖漸生眠鹿

草松枯欲折掛援枝贈吳羽士云松下翦雲縫鶴筆

湘江夜泊

扁舟載月下三湘露渚風來杜若香一片秋聲無處著和愁

散入水雲鄉

題畫

數株煙柳綠參參兩岸青山起暮嵐多少天涯未歸客卻從

畫裏看江南

薛穆 二首

穆字公遠吳江人一作吳淞人洪武中授柳州通判

書史會要薛穆字公遠號澹園洪武中為柳州通判能詩文善楷書

畫史會要薛穆精於畫田按公遠自號北礪生與徐良夫唱和詩多見金蘭集顧俠君錄公遠詩入元詩癸集余據朱隱之書史會要畫史會要採入

次韻雨公六絕求正良夫 錄二

烏悲花褪幾番春不覺興懷淚滿巾止酒正憐彭澤令窮吟

還憶杜陵人

長谷深村水竹幽瘦筇芒履遍追游從教山鳥嘯春去祇是

閒人不解愁

虞堪 二首

明詩紀事卷十九

七

堪字克用一字勝伯長洲人洪武中為雲南府學教

授有希澹園詩三卷

四庫總目虞堪詩多題畫之作又丁元末造時有憂時

感事之言古體氣格頗高近體亦音節諧婉惟七言律詩刻意欲效黃庭堅而才力淺薄終不相近然大致婉約秀逸頗饒情韻無當時穠豔之習亦可謂娟娟獨立矣

息悲

南濠詩話元末吾鄉有虞堪勝伯者善作詩嘗題趙

子昂蒼溪圖云吳興公子玉堂仙寫出蒼溪似輞川

同首青山紅樹下那無十畝種瓜田為人膾炙近沈

先生啟南題子昂畫馬一絕寄子評之詩云隅日晶

榮耳竹披江南流落乘黃姿千金千里無人識笑看

胡兒買去騎先生又為子誦周方伯良右題子昂竹

被云中原日暮龍旂遠南國春深水殿寒留得一枝

詞尤微婉云續吳先賢讚虞堪者宋宰相允文後也徙家長洲家富其所藏書多雍公遺又行重購校讐日夜不休自稱僻焉為詩頗清潤兼好吮朱設色圖畫樹石盤礴睥睨故為賞好所移盡費其產從祖伯生嘗愛重之

其書迺亦賴之傳
畫史會要虞堪宋丞相允文之裔山水亦思致可愛
田按勝伯古詩痕迹未化七言斷句大有君家伯生
風趣

贈倪元鎮

參差海樹珊瑚立
窈窕風篁翡翠分
尙想君家清閣閣
臨池誰見搗鵝羣

庭前樹子轉屈鐵
石上竹君凌古青
得見文殊參幻相
也應重說淨名經

楊彝三首

彝字宗彝餘姚人
僑寓普安洪武中
以人才舉爲沔陽
倉副使遷都察院
司獄調長泰主簿
以獻詩擢吏部主
事有鳳臺貴竹東
屯南游諸橐

明詩紀事卷十九

八

莫友芝黔詩紀略宗彝餘姚人晚居普安衛自少卓
舉擅詩名工書畫洪武間官長泰簿子顯被誣死刑
部獄孫志編成普安宗彝棄官諸闕自陳以獻詩擢
吏部考功司主事二十四年從駕幸華山獻攬勝賦
稱旨明年請老乞就養孫成所遂終焉衛東屯多松
開萬松軒以居自號萬松老人又於衛西北結亭曰
天風年八十乃卒高郵沈助銘其墓曰才行兼偉身
與名全雄詞藻翰蛟舞鳳臺耄而康孰不曰詩之
仙哉我佳城觀者仰初隸雲南沐景駒滄海遺珠錄
田按吾黔普安衛明初隸雲南沐景駒滄海遺珠錄
諸宦雲南及寓公詩宗彝與焉宗彝以孫志編成普
安就養孫所竹垞詩綠云謫居滇南非其實矣紹興
志稱宗彝別號銀塘生乘牛出入四明洞天遇風景
林壑之美卽箕踞長嘯狀其草木二集皆寓黔稿也吾
黔寓公之以風雅擅名者當以宗彝爲開先矣

碧雲洞

老夫生平愛山水
每聞勝景心獨喜
故人邀我城南遊
出郭溪行二三里
峯崖路轉非塵寰
雞犬人家足生理
恍然真我

桃源中風景依稀乃相似耕田鑿井不記年疑是秦人始居
此谷中樹暗連桑麻澗底花香雜蘭芷陰陽古洞蒼山根絕
壁飛岩半空倚豁然深入天窗明外狹中開如屋裏醉眠雲
磴高似牀袖拂平沙淨於几松風一派從天來散作泉流和
宮徵泉來直與海眼通鶴髮仙人烹石髓蛟龍窟宅變斯須
白日陰崖電光紫此時豪興爲誰發筆下詩成泣山鬼安得
凌空生羽翼共載吹笙玉童子一聲長嘯洞雲寒日出林梢
鶴飛起

一聲紫棠晚照

紫塘小雨過山椒日脚斜低轉樹腰暝色漸來青靄重晴光
欲歛絳煙消穿雲歸去秋原牧隔水行歌晚徑樵林下旌旗

明詩紀事卷十九

九

來小隊將軍回獵射雙雕

蚤起

一聲殘角數聲雞南斗高懸北斗移多少行人度關去東方
曙色尙淒迷

邵誼一首

誼字思宜休甯人洪武中以薦授本縣訓導轉夥縣

教諭有鉏雲集

登高

程敏政新安文獻志思宜與兄孜皆能文善繪事
詹景鳳詹氏小辨思宜分書學受禪碑亦雅勁

題野航卷

天窗明外狹中開如屋裏醉眠雲

楓葉荻花秋氣清扁舟不受波濤驚一聲棹歌日欲晚半榻
竹影風初生幽人落落雲霄志小窗悠悠江漢情夜闌酒醒

萬籟寂似向沙頭弄月明

朱應辰一首

應辰字文奎吳人洪武初為本府訓導改江陰有激

芳集

畫史會要朱應辰號奇翁善白描人物
列朝詩集文奎從楊鐵崖學古文學博多伎能篆籀
法古
田按都元敬南豪詩話盛稱文奎元夕詩殊不見工
不如照眼梅花情思好負喧鳥雀羽毛輕一聯差可
誦也

山中書事

杜子齊平刺武生司武破辟夷
當而詩盡流蘇無與人限板信詩開

支筇步履踏莓苔小院無人燕子來最是東風難管領梨花

落盡杏花開

五言
蘇詩共華山圖子凡幾十題
蘇詩共華山圖子凡幾十題
蘇詩共華山圖子凡幾十題

王履一首

明詩紀事卷十九

十

履字安道號畸叟崑山人

一去太倉人

祝允明祝氏集略王崎叟學術淵邃吐露奇傑滄洲
武將軍家藏得其華山圖子凡數十段詩數百首首
尾爛然完整發卷便如攜人到異境詩句蟻食摸象
深古敘記脫邁人間世藝事有如此後者哉近世當
有幾何許西岳雄詭精神與人蹤跡言語間料警發
者韓公杜老潘子陳先生后乃始得叟
續吳先賢贊王履善為詩文圖畫學夏圭使腕有餘
力故秀勁行筆意在前故麗密嘗遊華山為圖四十
餘系以詩時稱合作
弇州山人四部稿遊華山者往往至青柯坪而止至
韓退之登其巔不能下慟哭與家訣其語聞於人而
仙掌蓮花間永絕搢紳先生遊之遊而僅為樵子牧豎
所有洪武中吾州王履安道獨能以命為樵子牧豎
冒險凌絕頂探幽宅與羽人靜姝問答歸而筆之記
若詩又能托之畫而天外三峯高奇曠奧之勝盡矣
畫冊凡四十幅絕得馬夏風格天骨道爽書法亦純
雅可愛安道沒歸之里人武氏而失其四後於長干
酒肆見之宛然延津之合也傾橐金購歸為武家雅
語

梅花草堂集王安道與孤心遠讀書無所不極心手

都靈所作詩文字畫皆成獨造無規則首尾而神脈
清激欲令千載上未有古人
列朝詩集王安道篤志問學博通羣籍能詩文工繪
事洪武十六年秋七月游華山作圖四十幅記四篇
詩一百五十首自有華山以來游而能圖而能記
師夏圭評者謂行筆秀勁古布置茂密作家士氣
及游華山見奇秀天出乃知三十年學畫不過紙絹
相承指為某家數於是屏去舊習以意匠就天則出
之有問何師曰吾師心心師目目師華山
田按安道華山圖許幅向質父錄其所傾慕王弼洲會
屬陸叔平餘首入列朝詩集朱竹垞始有異議謂其
錄其詩百餘首安道人奇事奇畫詩俱韻平心細閱
詩不足採余謂安道人奇事奇畫詩俱韻平心細閱
龍嶺風驚魂及墜魄往往隨聲疑宿玉女峯山秀在裏蒼
延幽風倏忽天樂湧入夜吹風吹宿玉女峯山秀在裏蒼
云松底踏碎月過清寒不支鐵鎖云伯梁度世無尋
處卷取松風獨自還林中遙見白物疑是白鹿云何
當快與劉根約白玉床前看紫雲下山近青柯坪云
空一澗破秋寂萬松嘯畫泉石棋局云昨轉希夷洞傍山兩
種可傳恨不得見其圖一一印證之

明詩紀事卷十九

士

華山西北夾路皆荷花望不知其頃之為幾大石小石

錯雜乎中邊詢之途人有老者云此地本山址昔因
崩而下陷故水聚荷生

池蓮井蓮俱無徵上峯下峯空復情山崩地陷忽露形爛漫
化作千娉婷水晶之宮秋眇冥綠娟紅膩琉璃屏俊驢健僕
風泠泠欲行不行杳難名漢皋洛浦方合并野人解唱江南
聲

宋遂 三首

璚字仲珩浦江人學士濂仲子洪武九年召為中書

舍人以兄子慎連坐死

方孝孺遜志齋集近代能草書者吳興趙公子昂公所敬者為鮮于公伯幾稍後得名者為康里公子山繼三公而作者金華宋仲珩草書如天驥行中原一日千里超澗渡險不動氣力雖若不可蹤迹而馳驟必合程矩直可凌跨鮮于康里使趙公見之必有起子之歎
何喬遠名山藏宋仲珩精篆隸真草書嘗見梁草堂法師墓篆及吳天璽中皇象書三段石刻觀之至忘寢食遂悟筆法小篆之工為國朝第一景濂每見佳處便曰寫老夫名足可傳世矣
詩數吾婺景濂文仲珩書皆國朝第一而七言律亦盛有佳篇如承旨送張仲藻畢烟舍人題小簾洞皆精工華整國初似此有幾
田按沈景倩稱劉伯溫工於山水似李營邱李君實稱宋景濂精於細楷為明代第一名輩遊藝之工如此舍人稟承家學體吟才俱稱絕俗天不欲陽冰長吉並出一人遽爾中萎惜哉

采桑曲

明詩紀事卷十九

七

桑芽露春微似粟小姑把蠶試新浴素翎頻埽細於蟻嫩葉
織纖初上指朝采桑暮采桑采桑不得盈筐差將辛苦向
姑語妾命自知桑葉比家中蠶早未成眠大姑已用新絲錢
岸上何人紫花馬卻欲拋金桑樹下

題水簾洞

石泉飛雨亂淋漓翠箔銀絲萬縷齊雲屋潤含珠網密月鉤
涼沁玉繩低鮫人夜織嘒痕溼湘女晨粧望眼迷恍似水晶
宮殿裏四檐花雨亂鶯嘒

與耕漁子山館燕集分韻得花字

草深顏巷路迴斜何事勞君遠命車野食本難供客饌故人
應不訝貧家先傾臘後山瓢酒更煮春先石鼎茶竹裏風生

飄細粉林間鳥去落餘花情親那問相逢晚世難休將後會
賒多少江湖同志友只今能幾臥雲霞

田按此詩見吳伯榮辛丑消夏記仲琦書寄徐良夫者良夫萃當時人投贈詩文為金蘭集國初良夫十二世孫大業出先世所藏詩箋百餘幅正草篆隸靡所不有皆元季明初諸公手蹟朱竹垞及見之未幾以訟破家悉為有力者所得此詩亦其一也乾隆庚辰其裔孫友竹重刻金蘭集不載此詩徐氏子孫有好事者當援此補之

陳璧 一首

璧字文東松江華亭人洪武中以秀才授解州判官

改郴州

何良俊四友齋叢說陳谷陽正書酷似歐陽率更行草漸逼大令篆書亦入格書史會要陳璧與三宋齊名用筆亦從懷素自敘帖中流出

明詩紀事卷十九

七

田按文東一號谷陽生家有古筒楊鐵崖為作古窩記稱其能談古學為古文章書法盛有時名詩非常家亦能作鐵門中語

題彥皋純軒

芙蓉花冷煙雨兩鯉魚風生紫萼渚軒前秋容浩無主江人
倚櫂煙中語纖莖採香花漉漉冰絲齊穿水晶綠蕤有羹菰
有米絲衣捧壽阿母喜平生宦情一杯水

張辰 一首

辰字翰宸嘉定人洪武初官訓導

陸深儼山集國朝書家如宋仲溫陳文東張翰宸三人難為伯仲其意外之意非常人可及田按翰宸號草愚又號端白居士以書知名

奇許瀾伯

水泊山棲分自甘我留君去意何堪幾回雨雪三椽上強半
鶯花五隴南宰木空慚歸遠夢扁舟猶憶載餘酣從今莫惜
頻相顧燈火虛齋遲夜談

盧熊三首

熊字公武崑山人元末爲吳縣訓導洪武初以故官
起尋告歸復起爲工部照磨改中書舍人出知兗州

坐事死

水東日記盧熊洪武初名儒通篆籀學嘗爲兗州知
州既視篆具奏印文兗字誤類衮上不怡幾被禍後
卒坐累
梅花草堂集盧兗州弟熙字公暨博學好古善楷法
洪武初以薦授睢州同知一意休息未久卒官兗州
嘗贈之詩云齏鹽清夢穩鐵石古心存人以爲不愧
斯語
田按洪武時魯孟舉解大紳以善書通顯公武與周

明詩紀事卷十九

四

履道亦以書名而祿位不及祝京兆書述云詹解鳴
於朝盧周著於野胡者乃當讓野公武嘗與沈伯熙
訪吳桓王墓於平江盤門外沙湖墓上有木如蚶龍
每陰雨若鬼物操舟蕩漾之狀人或逐之不見公武
問居人伐樹掘地得金船長二尺許其怪遂息公武
著高陵篇以弔之所謂或云金龍船光怪發靈閣登
陟增感傷宰木亦斬刈也同時作者有吳興沈毅登
州張紳紳詩最工余已錄於前卷厥後朱凱緝爲高
陵編作者當不止此惜余未覩其備耳

次雲林韻答耕漁詩

我有邱壑趣神馳太湖秋每懷銅山陞欲放鷓夷舟伊人尙
貞操交朋盡名流讀書無外慕下筆不自休朝耕隴上田暮
漁水中洲期先謁毛公訪古往舟頭行吟歷泉石不厭阻且
修野樵屨相候靈藥或可求皮陸有遺跡葉尊日從遊浮沈
翰墨間傾企才德優羣賢一枉顧晤言終日留思欲往從之

山川鬱相繆未遂箕頴志遠慕巖谷幽披文詠珠玉臨風倚
江樓

訪耕漁先生

我懷山中人拏舟訪雲壑
一載餘憂患亦紛錯
神交迹自疎
道重心不忤
下榻埽庭除
開尊共酬酢
來禽薦芳鮮
有兔詠燔炙
林風生絺衣
山月挂蘿壁
良朋惜雲散
頰襟喜冰鑠
留連不知醉
清影破幽闕
蹇余會有役
明旦向城郭
行止固難期
音書諒堪託

寄朱伯盛

白首耽書更不忘
鵠文蟲篆爛生光
高人爲賦峨眉石
太史會題琢玉坊
野屐蹋雲閒
看竹春簾凝霧靜
焚香別來又汎

明詩紀事卷十九

五

松陵權渺渺輕鷗江水長

馬治五首

治字孝常一字元素
宜興人初爲沙門
洪武初由茂才舉授內邱知縣
遷建昌同知有荆南倡和集海漁

集

沈敕荆溪外紀馬治爲詩文典雅沖澹善眞行書
田按孝常好遊有勝具與周履道砥俱主宜興周氏
周氏好學有賢行爲屋澗東西以館之置茶具酒棧
屬其子弟從之游窮陽羨溪山之勝隨事倡和積詩
一帙題曰荆南倡和集履道詩情畫才超出流輩而
孝常爲之亞所作俱清粹雅淡有古作者之志履道
旋去遊吳與高季迪徐幼文結社已而張士誠據吳
傾懷接士履道從軍會稽遂歿於事高季迪有得亡
友周履道記室在繫所詩次韻云擬出單羅再下鄰
人吳地有園花已盡楚山無塚草空新一篇幽憤時
時讀風雨寒燈夜獨親據此詩則履道在繫室因而

頌命今亦莫得而詳也徐幼文有異呂山人所藏荆南倡和集後詩云故友空悲生死憶入未注云時履道及於兵蓋亦約畧其詞未道其詳也倡和集爲履道手書與高季迪者季迪屬其鄉人呂志敏藏之成化間始附雕本履道畫有銅官山色爲世所珍錄孝常詩附見其事於此

牧之水樹

秦文君觀風手樹之林觀景數亦文留詩

牧之信奇士縱橫見當時著書亦有兵豈惟工賦詩畫船張水嬉禪榻悲鬢絲廣陵罷走馬陽羨亦解羈芳樹竟寂寞清淡自淪漪斯人向千載陳迹宛如茲

東開縱筆

言其如空筆筆勢如春風答婦茶香亦其真

多羅樹下昔徜徉塵世歸來已渺茫猶有狂吟三百首逢人大笑億千場西風雪氣紛紛白夜雨河流混混黃忽對青山

嗟歲晚知君縱筆興難忘

後自筆畫黃忽對青山

追和柯丹邱所藏坡翁詩帖

五首錄三首三百首其人

東閣小詩書夢破後堂殘醉燭花明春風客散茶香在寂寞人間萬古情

紅入兩顴春意滿翠籠雙袖曉寒尖雖知別後情難識也覺愁中醉易添

彩筆詩成舉座驚素衣新翦鳳毛翎多情應是蓮花女留得

銀筭金字經

陶琛一首

其再成也

琛字彥珩長洲人洪武初以薦爲儒學官

出立朝

皇甫坊長洲志彥珩有文學洪武初以薦爲儒學官志尚高潔工古篆書多得楷法

道人過邵弘道先生墓

青山隱隱遠相連，仰睇松楸憶舊年。芳草蓋墳長似帶，碧苔封逕小於錢。嵐氛晝掩微微雨，野水春流淡淡煙。澆遍壺漿弔耆德，潏然涕落誅文牋。

風雨董紀

四首 又題 題來對 稱 題 入 卷 與 案 題 百 拜 附 題

紀字良史以字行更字述夫上海人洪武中舉賢良

蘇方正對策稱旨授江西按察僉事有西郊笑端集

四庫總目董紀詩平易樸實視袁凱諸人稍為不逮故

張汝弼作西郊笑端集序謂其漫爾而稍為不逮故志居詩話則舉其題海屋詩過致微詞而朱彝尊歸風帆日本船句謂亦不為率漫然紀集明世未經再刻流播頗稀明史藝文志亦闕而不載彝尊明詩綜所錄但探之賴良大雅集中未及見其全帙故所摘佳句謹此今觀此集過質傷俚之弊誠所不免然其

明詩紀事卷十九

七

合作往往得元白張王遺意汝弼以一格絕人不足
以盡詩體彝尊教一語以爭之亦未盡紀所長也
書史會要董良史善草書
橋李詩繫良史詩間整流利諸體俱可觀
列朝詩集董良史詞翰俱佳與陸宅之吳子思相頡
頔
田按良史七言斷句風致翩翩殊有別趣

海屋為彝古鼎賦

海上高儷屋數椽，珊瑚碧樹繞堦前。過橋雲磬天台寺，泊岸風帆日本船。龍女獻珠來供佛，鮫人分席與參禪。百年劫數如彈指，眼見桑田幾變遷。

江行 遊 嵐 辰 畫 軒 燭 燭 雨 理 水 春 流 炎 燄 對 畫 畫 畫

逢人問故鄉 遊 於 上 畫

絕句

東風細雨溼窗紗日晏黃蜂未報衙芳草滿庭隨意綠時時
吹落碧桃花

效秦文仲絕句

日上東華暖霧開御河水碧於苔內廷擎出清涼織知是
黃門進膳來

以明經為授廣西布政理問謁雲南魚課大使

明詩紀事卷十九

六

海門遊觀來

日北東華暖霧開御河水碧於苔內廷擎出清涼織知是

黃門進膳來

效秦文仲絕句

東風細雨溼窗紗日晏黃蜂未報衙芳草滿庭隨意綠時時

吹落碧桃花

明詩紀事卷二十

貴陽陳 田輯

甲籤

張適 二十二首

適字子宜長洲人洪武初以秀才舉擢工部郎中病

免復以明經薦授廣西布政理問調雲南魚課大使

考滿改宣課大使有甘白先生集十二卷

田按子宜與高季迪為素交不入北郭十子之列晚

官滇南沐景暉滄海遺珠集亦不錄焉蓋子在顯晦

之間者也詩有樂圃江館南湖江行滇池等集與文

集合為十二卷明史藝文志僅稱子宜有樂圃集六

卷四庫提要存目有甘白集六卷蓋均未見其全

也余所得為翁覃溪顧千里舊藏本詩文皆具樂圃

集多摹擬未化江館南湖以後特為俊爽集中有畫

竹贈王生寫竹枝壽周南老等詩蓋嘗與陸天游倪

元鎮諸人遊故兼擅盤礴之長此亦紀明初畫家者

所當知也

山居次韻

山深景更幽石磴滑難上春徂眾芳歇雨過百泉響松頭度

笙鶴仙裾令人想境靜神自靈欲寡心遂養堆案多道書過

門無俗鞅日暮揖歸僧松間抱琴往

南塘曲

堤柳絲絲烏恰恰曲塘草深沙路狹野港倦游頰尾魚蕪田

欲鬪青頭鴨東風過陌飄塵香冶遊年少紫絲韁花間不管

羈人怨年年負春空斷腸

題唐人出游圖

白馬紫絲韁春風俠骨香昨朝鬪雞社今日賭毬場醉歸斜

過青松下金張路逢皆下馬到門絃索候花前美人爭接黃金鞭

樂圃林館十首錄三

何處是吾廬城西數畝餘坊存前哲號屋貯古人書已疾親栽藥供餐自灌蔬長年因謝俗戶外少來車

園池雖市邑幽僻絕塵緣水活元通港荷稀不礙船竹陰迷藥竈雨氣慢琴絃試檢床頭藁新來益幾篇

林密簾櫳暝門清樹石連合香乘雨霽壓酒及花前嗜古思

先輩傷今話昔年何由清鬱抱春茗淪林泉

姑蘇志樂圃在清嘉坊北朱長文所居中有高岡清池喬松壽檜知州章帖表為樂圃坊有蓬經堂華嚴庵招隱橋見山岡琴臺鶴室墨池筆溪及西圃草堂共二十景元末張適號甘白築室於上題曰樂圃林

卷二十

二

館與高啟倪瓚陳麟謝恭姚廣孝賡和為十詠高啟詩林塢通幽闕山明雲出溪門無俗客至池有水禽唳對酌山花下行吟野竹西石床春寂寂苔色映青藜開軒時野眺山色翠迢遙屏結霜中檜圖開雪裏蕉煖煙初扇圃野水欲平橋曳杖閒來往時挑柳一瓢幽居無灑掃風景自偷然紅溼杖間雨青分柳外川陳麟詩桃花夾林館宛似武陵溪醉後拋書枕夢回聞鳥嘯水光孤野外山色小橋西盡日無來客徐吟信杖藜見說林居好楊花雪點巾開池養鸚鵡不使惱比鄰謝恭詩故人非傲吏舊隱勝思溪塵世人難到空林鳥自嘯青山懸榻下綠樹斷崖西終日無餘事長吟信杖藜

田按姑蘇志第錄高季迪陳文昭謝元功詩余檢姚

廣孝逃虛子集有題張山人適樂圃林館詩附錄於

此去官歸故里僑隱倚高林花月尊前友松風席上

琴幽通西崦曲涼入北窗深此處堪清賞時來一解

襟開屨依林樾迢迢去市遙翠低承雨竹綠碎受風

蕉夕嶺還侵戶春流欲斷橋主人緣受客時為出山

飄松桂園林屋遙知處士家疏簾宵受月虛幌曉承

霞藥味園中木詩材檣外花尋幽須到此毋惜去程

除林居無俗韻琴史引來賓逕狹難容轍池深可縱
鱗登山新製履漉酒舊裁巾我亦耽幽者他年願托
隣又倪雲林爲甘白作樂圃林居圖題句云暮投齋
館靜城郭似幽林落月半林影涼風孤鶴音汀雲縈
遠夢桐露溼青琴喧卑靜塵慮蕭爽集冲襟余來城
郭而暑氣熾甚偶憩甘白先生樂圃林居不覺數日
相與蔭茂樹臨清池誦義文之象爻彈有虞之南風
遂以永日成此一詩并寫小圖呈甘白以寓笑樂耳
甲寅六月十五日倪瓚

村居

爲士愛溝壑從農力弗勝不才終困頓無夢欲騫騰病軀庭
多竹衰憑杖一藤到門無雜客吟子與琴僧

過湘潭

鼓枻清湘曲煙生日欲晡吳歌商舶叟楚語水祠巫牛背棲
鸚鵡林間喚鷓鴣沙汀舟已泊返照落平蕪

卷二十

三

過西墅故人家

渡水復穿林幽居石徑深風生花嶼煖雲護竹房陰壓酒常
年計逃名物外心琴樽終日燕蕭散豁冲襟

宿金井陽

舟行去郭三十里天向此中開畫圖屋上亂山爭接漢門前
一水直通湖鳥迷嵐氣栖叢竹雁帶江雲下綠蕪爲謁百年
清獻廟長松深處立斯須

與陸天游張南村諸公遊溪西華嚴庵

讀書只在松檜林不道春色孤村深鳩唳雲暝亂遊思花落
水流驚客心過溪尋僧蘭若僻埽石坐我紗櫺陰杖藜舊路
逐樵返落日已下湖西岑

晚過戴隱居草堂

巖棹垂楊日欲昏，埽齋延客且清論。園池繞屋無十畝，桑柘成林自一村。學禮已能傳世業，抱琴終不過王門。爲將詩稿窗前讀，銀燭飛花到酒樽。

董山人來白田爲寄高季迪詩賦此贈別

江榻雲花散復疑，水禽爭語卽晨興。正當送客南塘路，更擬酬詩北郭朋。渚柳風生煙縷縷，漁磯潮落石層層。荒村迎送還難免，泥迹山深恨未能。

過朱卿宅

斜日疏林獨杖過，避人歸鳥拂煙蘿。居瀕東海知潮候，門對南湖解棹歌。烏柏樹紅霜落早，白蘋花老雁來多。悲哉宋玉

空愁絕，矯首秋風兩鬢皤。

登柳州城樓

落日江城煙霧深，宦遊每感歲華侵。山川殊助登臨興，雨露常存戀關心。一鳥遠矚沿水樹，衆峰齊露出雲岑。衰年抱病天涯外，目斷鄉關思莫任。

爲獅子林僧題雜畫

林下雨欲來，竹樹風先起。僧定寂無聞，栖禽自驚語。

過顧使君新居

解印歸來雪滿顛，草堂新構水西邊。窗前更種蕭蕭竹，聽雨清宵對鶴眠。

題枇杷青鳥

草堂只在水西邊，雨熟枇杷繞檻前。
青鳥飛來又飛去，隔簾衝斷煮茶煙。

王耕雲有詩寄愚庵師，師析其句爲四絕，余亦奉和。

久約樵翁共結鄰，青山如待早歸人。
屋西有箇茅亭子，飽聽松風起澗濱。

白樂圃林韻

南塘泛舟

一百五日又清明，江花冉冉鳥嚶嚶。
拂水柳條千萬縷，東風不礙酒船行。

題梅花道人所製竹枝贈江月軒主者

月上江齋夜未分，鸞笙遙度隔林聞。
上人更寄青瑤塵，時拂天壇五色雲。

卷二十

五

題畫贈王生

歲暮天寒多雪霜，草枯木落萬山荒。
唯餘清獻寺前竹，箇箇吟風學鳳凰。

謝恭一首

恭字元功，長洲人，徵弟有蕙庭集。

田按：張子宜稱元功詩文俊麗，惜蕙庭集不傳。

題張甘白樂圃林館

門徑稀人迹，幽居只自然。
泉聲三月雨，柳色半春煙。
水鑑看鷗浴，山窗見鹿眠。
題詩花墅夕，明月滿晴川。

潘仁四首

仁字子安，和州人，流寓沔陽。
據楚揚遺音官夔州府同知。

據雅有天遊集海天清嘯集

戴本孝慝陽遺音潘子安郡逸士也工詩好遊流寓

河陽著有海天吟嘯集

田按張子宜甘白集有送潘子安歸河陽序云河陽

潘公為雲南右衛指揮其猶子安自其鄉來省侍

焉為天游集春容乎短章優游乎長篇濶焉而慮清坦

焉而氣平子宜此序稱子安為河陽人竹垞詩綜據

湖海香英集稱子安為南通志均有潘仁詩稱余檢李

子安和州人始知竹垞疑潘伯齊為子安字者未確

而河陽和州異貫得戴鷹阿子安流寓河陽之說而

疑始釋子安明初詩流所至著聲黔甯集滇志所錄

皆子安省侍潘公至滇時作也余合數家撰述詳定

其官籍名字如此

獻西平侯詩

雄譽超當代奇勳邁昔賢畫圖麟閣上環珮鳳池前受鉞曾

趨陞平蠻久鎮滇寸心懸日月雙鬢短風煙令肅霜威凜機

卷二十

六

深斗運旋斷蛟秋試劍落鵲夜鳴弦海岱烽初舉關山捷又

傳七擒功已大六出計猶玄螻蟻驚藏滅貔貅喜勝還戰袍

明錦獸歸鐙響瓊鞭露溼松間旆花迎柳外鞦韆容巖虎豹

冠影動貂蟬頗牧甯同伍蕭張敢並肩箸籌黃石略恩澤紫

泥宣弓挂扶桑近戈回玉壘偏挽河新洗甲拓土舊開邊仁

信敷荒域公勤入汗編願言歌盛美安得筆如椽

沐黔甯挽詩

大星一夜西南落萬里誰分聖主憂心到九泉昭日月名垂

千古重山邱中原父老思羊祜絕塞羌夷哭武侯藪澤書生

懷德義清鉛掬淚難收

田按子安二詩見黔甯集黔甯王沐英內侍李文秀
所輯錄也王鎮滇十一年功德在人歌咏不輟其薨

也遠遊詞客謫宦墨卿多以詩挽之者百年未盡安邊略一寸徒遣報國心則沅州劉有年將星夕向南荒限仙馭望歸無日銅柱南開鎮有年將星夕向南荒限仙馭秋乘北斗懸則慈溪桂慎門也諸葛渡壚當五月昆明歸漢又千年惆悵侯門曳裾客此時瞻望思茫然則松陽王景彰句也子安中原父老一聯當推擅場

遊太華

天風吹鬢酒初醒太華峰頭且共登山色慣迎逃世客水聲常送渡溪僧定中龍去雲生鉢夢裏猿嘯月在藤最愛石窗風雨過早涼先到讀書燈

泊滄浪

滄浪濯纓仍濯足我來啟篷惟濯心高歌孺子不可見遠放靈均何處尋斷岸早霜千樹錦孤村落月數家砧中洲未必無芳杜誰采幽香慰苦吟

卷二十

邾經 五首

經字仲誼仁和人元進士洪武初以事徙滇有玩齋稿

列朝詩集王原吉謝邾仲義進士詩云釋褐平生友邾官辟屢辭詩見滄海遺珠其後曾入滇也田按沐景暉錄仲誼等二十一人之詩為滄海遺珠譬諸謫仙夜郎之什東坡僂耳之篇六詔遷客琅琅振玉當時轉徙西南一隅者人才如此可想見明初詞客之盛矣

題顧定之墨竹

虎頭諸孫總痴絕老安不痴乃用拙憶在吳中寫墨君雪楮冰縑每飄撇妙處不減文湖州同時更有柯丹邱眼底只今無此客使我悵悵懷風流蒼梧想見斑竹活看畫忽焉憂思豁安得二老從之遊搔首涼風起天末

題蘆花散人小像

朔雲化石忽五彩石也能言泣真宰玉堂調笑辭金魚月冷
西湖醉魂在風流憶爾承平時接離倒著驢倒騎仙遊何處
驚墮影秋空冥冥如見之黃鶴飛鳴杳無迹西風滿地蘆花
白玉龍吹斷不可招空掩畫圖三歎泣

題澄碧樓

燕入雨侵簾鷗棲月近檐白紵三柳曲青隱九峰尖夏簟風
漪展春醪雪乳黏元龍憐遠客高卧想無嫌

春陪呂志學會彥魯劉仲原登虎邱賦呈居中長老

虎邱山前新築城虎邱寺裏斷人行梵僧自識灰千劫蜀魄
時飄淚一聲漸少松杉圍窳堵無多桃李過清明向來游事

卷二十

八

誇全盛會對春風咏太平

靜志居詩話虎邱詩集一卷王高士賓所錄吾鄉項
氏萬卷樓藏書也中載仲諱是詩同時人行會朴彥魯
學云山上樓臺山下城朱旗夾道少人行會朴彥魯
云闔閭冢上見新城無復行人載酒行僧窟居中云
公餘聯騎入山城老衲追陪得散行又周南老有至
正丁酉督役城虎邱詩八首一云奉檄趨功城虎邱
一云四壘新城遠潤隈一云泊舟山城後落杵齊虎邱
築城吳人亦鮮有知者予嘗百舟山春見遺趾尚存
田按呂志學諸人詩竹垞第舉其首聯今具錄於此
志學詩云山上樓臺山下城朱旗夾道少人行春風
寂寞鶯花夢落日悲涼鼓角聲古塚金精來變幻天
池劍影墮空明老僧跌坐忘塵慮石溜河須恨不平
彥魯詩云闔閭老上見新城無復遊人戴酒須行山雉
聽經依塔影獨我欲投簪營小隱佛香終日祝昇平
窳僧閒火獨明我欲投簪營小隱佛香終日祝昇平
居中詩云公餘聯騎入山城老衲追隨得散行短簿
祠前看竹色小吳軒上聽松聲來遊古苑春將暮歸
去南樓月已明題徧新詩佳勝處定應商畧過天平
又劉本原仲原詩云一春不到闔閭城花事闌珊卻
此行萬佛閣深留塔影小吳軒靜度鶯聲松林月暗

山精泣石
瘞人稀
燐火明
野祠那知
興廢事
只將經
卷了平生

題桂花十二紅便面

金粟枝頭十二紅
何年飛向廣寒宮
素娥只愛青鸞舞
且近

瓊樓立晚風

朱絢三首

絢字士林

田按

士林詩見滄海遺珠未詳其里貫構李英華有朱琳詩琳字玉林號雨椿嘉興人當別是一人竹垞詩綜錄士林雨中過韶州一律誤作玉林詩特正其訛俾仍舊貫焉

過洛社留寄李耕隱

故人近住林之東
相望草堂雲氣中
舊時松竹想無恙
暇日

琴樽誰與同
作賦應能繼
潘岳
耕元不讓龐公
過門不入

卷二十

九

非爲慢兩鬢
塵埃愧轉蓬

雨中過韶州

船下韶瀧日欲晡
四山雲起景模糊
沙鷗衝雨頻來去
汀樹

迷煙半有無
作客又驚三月暮
思家其奈一身孤
愁懷浩浩

渾如醉獨倚蓬窗
聽鷓鴣

題淘金驛

淘金驛前春色多
紅桃綠柳映清波
江南獨客悲時序
奈此

東風淡宕何

金粟

遂初八首

昶字光古修武人有清華車軒方外等集

田按明初大河南北稱詩者宋西隱而外當推光古詩見沐景鵬滄海遺珠其舟下淮水云舟人有嚴程

知我歸朝客是會通仕籍者其因何事至滇今不可考矣光古歿於滇多以詩輓之者胡粹中云獨騎玄鶴上丹邱爲記鈞天白玉樓詩板刊成應自校草書零落有誰收可能覓酒府中去無復携筇寺裏遊欲寄東風一行淚蜀江不肯向西流僧機先云昨日來過我今朝去哭君那堪談笑際便作死生分曠達陶徵士蕭條鄭廣文猶憐埋骨處西北有孤雲選光古詩是曾官校官而客於沐氏者余詳考各家選光古詩皆自滄海遺珠錄出其集當不可復得矣

德公院 蘇軾詩檢焚香毒藥詩了出此

脩然青蓮宇水遶山相向老僧不出門林下樂清曠今日有

誰來題詩在竹上 吳吉詩

公詞使回沂州

穆陵關下路數騎復南歸雲氣來蒙羽人煙入海沂晚田禾

刈盡霜葉樹凋稀家擬明朝到吟鞭可緩揮

卷二十

十

晚宿王衡家

應役城中久何能得避喧登樓山遶縣出郭樹連村僧舍竹

松院人家瓜菜園晚來投舊館童子笑開門

登恨穹縣護民寺

溟穹西阜寺獨眺有餘情落日秋山色西風古樹聲征衣憐

舊弊客路喜新晴洗鉢挾香事誰能了此生

古淵房閑書和韻

禪房碧樹深坐久語幽禽葉罅日穿透林端雲過陰筆新微

蘸墨書故少生蟬僧有思鄉者時時亦起吟

月堂堂中閑題

清心投靜室童子啟雲關秋色老著樹夕陽明在山高崖泉

落響遠漢鳥飛還擾擾紅塵裏無如僧最閑

江隄晚眺

五采賦自句

江隄聊上適離情葭菼無窮一望平遠樹天邊歸鳥沒孤村
雨外夕陽明海門帆過衝秋色沙浦潮來作怒聲伫立南雲
重回首依微尙見晉陵城

書溪

白雲閣五慈武祝前林代竹餘韻

書涉溪方淺暮臨溪忽深水猶如此變安可測人心

楊子善二首

善字子善以字行天台人洪武初以明經授應天府
治中遷沅州同知改平樂府知事坐事謫雲南卒於

謫所

卷二十

十一

田按子善歿於滇張子宜爲作廣誌備詳宦蹟始末
稱子善由沅州同知改廣西平樂府知事戚學標三
合詩錄謂任樂平知府誤矣子善以洪武丁卯謫滇
居六年壬申卒實洪武二十五年也錢牧齋列朝詩
錄入乙集論世亦未詳詩見滄海遺珠

過楊井山

霧盡寒初退風輕雨欲晴山田春飽水農舍早趨耕行李青
霄近煙波白髮明正愁泥路滑林外竹鷄鳴

憶鄉中諸故友

東麓溪頭蟹渚陰故鄉幾度憶同襟詩聯石鼎秋燈冷韭剪
春園夜雨深白髮每馳張敏夢青山慵鼓伯牙琴客床寥落
情無賴月滿空梁強自吟

題畫蘭

九畹香清露氣寒三湘月落淚痕乾楚天空濶秋無際誰復
行吟澤畔看

郭櫨一首

朝朝櫨字德茂黃巖人洪武初以薦任饒陽知縣有暢軒

郭櫨稿

嘗嘗感秋自天來

秋卉亂紅綠雜然不知名感此風露移故亦競敷榮亦有幽

蘭花中含芳潔情晏然處明晦不以臭味矜奕奕保天和豈

謂殊死生

葉見泰二首

見泰字夷仲臨海人明初取台州召爲部從事使安

卷二十

五

南羅高唐州判轉睢甯知縣入爲刑部主事有蘭莊

集

田按宋景濂序夷仲集云夷仲諸作溫醇而有典則
飄逸而有思致其辭簡古而不麗其神豐映而不瘠
求諸輩行之中未見其敵蓋亦明初作者惜集不傳

滄浪漁者歌

雪消江水自天來江上桃花映水開釣得活魚須換酒白頭

浪裏棹船回

雨晴斜日照漁蓑笑逐蓮舟入菱荷浦口月明風浪靜有人

教唱竹枝歌

戴奎一首

奎字文祥黃巖人元末錢塘錄事明初徙濠以薦爲

齊河主簿有介軒集

咸學標三台詩錄文祥經事前朝答弟文信詩云萬里輿圖新入貢一時遺老復遷官祇緣舊國輕周鼎徒使仙人泣玉盤不忍忘元之心言下益顯

次台城寄故園

城南墟里舊盤旋此日相看倍黯然寄語門前五楊柳好留

春色遲歸田

鄭元益 一首

元益字西清黃巖人明初以言事授陽春知縣

轉遷陽春晚宿惠州城外

十二嶺頭疏雨晴行人晚宿惠州城城中聞有東坡井水與

人心一樣清

卷二十

三

人少

十二嶺頭疏雨晴行人晚宿惠州城城中聞有東坡井水與

人心一樣清

元益字西清黃巖人明初以言事授陽春知縣

轉遷陽春

晚宿惠州

城城中聞有東坡井水與人心一樣清

元益字西清

黃巖人明初以言事授陽春知縣

轉遷陽春晚宿惠州城外

十二嶺頭疏雨晴行人晚宿惠州城城中聞有東坡井水與人心一樣清

甲籤

沐英一首

英字文英定遠人從太祖起兵賜姓朱氏後命復姓累功封開國輔運推誠宣力武臣西平侯拜征南右副將軍征雲南事平留鎮雲南卒追封黔甯王諡昭

靖

田披史稱黔甯讀書不釋卷暇則延諸生講說經史及觀其贈掌記劉彥尉之東阿詩亦彬彬乎雅音也黔甯鎮滇後光緒年有威惠其卒也多以詩挽之者丙侍李文文節贈為黔甯集如和州潘仁沅州劉有年慈溪桂慎等詩余皆具錄別卷明興開國武臣儒雅好事首推岐陽武靖王李文忠嘗師事金華名儒范

卷二十一

祖幹胡翰通曉經義史稱其作為詩歌雄駿可觀余檢徐大章始豐稿有跋岐陽王雪庭詩卷後云雪庭詩一首并跋尾岐陽王所製以贈杭僧康上人者也上人精修白業解行兼至王開府鎮杭親御翰墨為之詠贊上人假雪為號王摹寫雪狀詞有精請今惜不得雪庭詩錄之頽國公傳友德有文集傳青主會見之今亦不可得又蘄春侯康茂才亦有茫茫江尚皆魚鼈何處堪容魯仲連之句錄黔甯詩附記于此

贈掌記劉彥尉之東阿

大府多軍務頻年案牘勞趨廷宮漏轉簪筆殿香飄柳外流鶯語花邊立馬驕莫嫌州縣職漢業說蕭曹

郭奎十五首

奎字子章以字行巢縣人明初朱文正開府南昌奎

以儒士為參謀文正得罪坐不諫諫有望雲集五卷

四庫總目奎當干戈擾攘之際仗劍從軍備嘗險阻蒼涼激楚一發於詩五言古體原本漢魏頗得遺意七

言古體時近李白五言律體純為唐調七言律體稍雜宋音絕句則在唐宋之間元末明初可云挺出趙汭宋濂皆為之序推崇甚至良不誣矣
詩談郭棡史子章與洽情真固是逸才如落日平淮樹春潮帶皖城東鄰茅屋新煙起南礪石橋春水生此例佳甚

田按參謀詩天才挺拔俊逸不凡鬱塞磊落之氣時露毫端如亡家云杖策鄧生猶未遇亡家韓信定誰依凌風欲便乘檣去天上秋虹跨海飛富池江口夜泊云華髮青燈共一船聞雞獨起看龍泉風雲未遂平生志慚愧周瑜長十年草味英雄望一侯夢南康除夜云十年客淚不曾乾邱隴成行骨肉殘為報淮南兄與弟紫髯憔悴未為官甚賦感士不遇矣

寄李彥端

嘉樹靄夏綠清風動虛襟念君有高超勞我徑寸心伫立東城曲日夕見雲岑以茲世故多忘彼升與沈聊樂在書籍佩

玉懷所欽華池散帙步當戶鳴幽禽蘭生已覆井泉響迴出

卷二十一

二

林醉將山口月彈作絃上音明月照別鶴遺音戛南金何當

坐松石從爾聽瑤琴

秋日次右司韻

秋水竟長川高亭對孤嶼覽君瑤華篇往往似仙語歡遊繼晨夕追昔念徂暑揚舲濟東湖采蘭臨北渚落日散餘霞輕風度微雨回瞻城堞表樓觀襲空宇渺渺帝子洲衰草亦萋只鳧鷖相翱翔漁歌起前激星霜忽已周遲留感年序睨彼東南天馳思久凝伫

過皖城弔青陽先生

維舟大江潯攬梯登茲城哲人不復見黃鳥悲且鳴高山尚巖巖梁木何乃傾忽逢舊耆老向我宣忠貞明公夙有誓慷

慨存遺銘死卽爲厲鬼生當殄長鯨應敵旣神武百戰何縱橫精誠貫白日天子無援兵歲久矢石竭捐軀全令名

贈別

蟋蟀悲歲暮起視夜何其淒淒霜露降蕙草淒以衰薄言子當往軒車發行遲聊因一杯酒慰此平生知采采西澗蘋悠悠懷我思我思詎能已君心諒不違

次錢子貞薊門感懷

燕支木葉落盧龍秋色來空聞有思婦清夜悲且哀錦書爲君寄寶鏡待君開膏沐不復容綠髮浮埃團團皎月禪照彼單于臺馳心在萬里出戶聊裴回

貽李道士

卷二十一

三

茅山李道士賣藥巢湖上頭戴烏紗巾手持青藜杖雙鬢童子相隨行向月壺中吹玉笙紫芝采罷忽不見又騎玄鶴登蓬瀛

新豐市宣城北六十里

過新豐待沽酒雪花當空大如手斷橋荒店無人煙獨有寒梅伴疏柳憶昔江東未搆兵我亦曾經此地行東家搥牛出新釀西家開宴還吹笙春風步障千花錦當壚美人頻勸飲形勢雖非漢祖初彷彿咸陽舊陵寢仙驂慷慨馬周我欲濯髮臨清流斗酒不可得高興良難酬著鞭遙指敬亭路孤雲日暮心悠悠

九日偶成

良辰惜難再秋序夙已殫登高啟飛閣望遠俯層巒寒菊正
盈把濁醪方具歡微此一日宴客懷殊可歎

寄孫伯融

吳樹綠如蓋越山天下奇遙知戎事暇總是雅歌時國士曾
持節將軍已建旗西宛有名驥安得爲君馳

蘄州營作

樹暗唳鶯困春餘一日殘愁隨花片減夢逐雨聲寒毀譽惟
耽酒辛勤亦枕鞍令人慙陸抗四十未封官

秋興

月下清砧響夜闌征人不寐憶長安霧迷南國遊魂泣草沒
中原戰骨寒直望明河臨象闕誰霑零露捧金盤十年關塞

卷二十一

四

無家別仗策猶歌行路難

當塗客舍

姑孰溪邊獨倚樓江城二月似深秋孤雲無處求親舍先隴
何人祀首邱花落始知寒食過雁歸渾是夕陽愁故山應有
王孫怨春草淒淒沒盡頭

臘日

臘日三年爲異客今年霜雪未全饒風塵暗滿淮南路霧雨
寒生江上潮鄉夢有時逢骨肉此身何處托漁樵共來吳楚
交兵地烽火依稀似六朝

答王克讓

萬里煙塵海拂波夕陽誰復倒回戈華戎雜處衣冠少吳楚

封疆壁壘多說客成名惟季子功臣改轍在隋何故山猿鶴
應相訴桂樹叢生帶薜蘿

開歲卧病

一朝卧病藥相扶纔倚晴窗閱地圖莫說江南風景好王孫
頭白怨薜蘿

立更熊鼎一首

鼎字伯穎臨川人元季舉於鄉爲龍溪書院山長參
謀軍事明初徵爲德清縣丞吳元年授中書考功博
士遷起居注出爲浙江按察簽事改山東副使拜晉
王府右傅坐累左遷大同衛知事除晉王府參軍改
刑部主事授岐甯衛經歷召還至西涼朵兒只把叛

卷二十一

五

不屈死之

田按伯穎嘗與修公子書學士朱升奉命辯五音對
忤旨太祖欲寘諸法伯穎從容論解之曰石音難辯
自古而然唐虞惟后夔能和磬聲且言樂之和由人
所致人君能致中和則萬民和萬物和而樂音和矣
太祖怒解釋升不問可謂名對不徒以節義顯也

長安懷古

立馬平原望故宮關河百二古今雄南山雙闕阿房近北斗
連城渭水通龍去野雲收王氣鶴巢陵樹起秋風英雄事業
昭前哲看取秦皇漢武功

夏煜一首

煜字允中江甯人明初辟爲中書省博士調浙東分
省擢總制浙東諸府

康郎山奉旨

三軍戰罷日重輪好雨東來爲洗塵絕壁秋聲清漱玉白沙
月色爛堆銀氣成龍虎知王者兆應熊羆得老臣半夜內官
催草檄燭花影裏繡衣新

田按史稱太祖征陳友諒儒臣惟劉基夏煜侍鄱陽
戰勝太祖所與草檄賦詩者煜其一也此詩半夜內
官催草檄燭花影裏繡衣新當卽紀其事也

吳去疾 一首

去疾字去疾安慶人給事中

酬李卿

李卿好客天下無日日相過惟酒徒眼花耳熱不復醉瓶罄
樽空還復沽去年解后留君第七日疏狂淹客途近有新詞

卷二十一

六

來寄我洒然清興滿江湖

陶誼 一首

誼字漢生天台人洪武初秘書監丞進員外郎

田按漢生與劉子高等賦郊禋慶成詩宋景濂作序
事具子高詩後

送人從役

沅湘南去遠古戍楚雲邊山雨虫蛇出江天蟬螻懸相思知
後夜重會更何年喜得風濤靜官船任書眠

送魏司業出守姑蘇

東吳父老候麾旌卓蓋朱旛五馬榮名郡暫須煩魏相諸生
久恨失陽城麟符剖玉君恩重燕寢凝香吏牘清指日徵黃
下丹詔又看環珮入承明

谷宏 一首

宏閩人一作新淦人中書舍人

行經華陰

雲間太華倚三峯積翠遙連渭水東遠塞雁聲寒雨外離宮
草色暮煙中秦關日落行人少漢時天陰古戍空寂寞武皇
巡幸處祠前木葉起秋風

田按元末明初詩人如吳漳楚望武侯祠詩王旬子
宣宮詞谷宏行經華陰詩最爲膾炙人口所謂千首
不爲多一首不爲少也華陰詩見明詩綜頗有點實
字句余據明風雅列朝詩集存其真焉

陳潛夫 一首

潛夫字振祖錢塘人官國子監學正

訪沈士怡丹房

卷二十一

七

繞屋丹光炫曉霞隔溪山色映鷗沙幾回談笑停杯坐簾外
春風落杏花

沈應 一首

應字德虔吳人洪武中選入文華堂說書除江西參
議改山東有東礪集

楚江秋曉圖

曾記蒹葭水廟東客心爭渡曉雞中平蕪落月三湘路千里
孤舟一雁風別去鄉關猶在夢老來江海尙飄蓬何因得似
閒鷗鳥兩兩沙邊睡正濃

蕭朮 一首

朮字鵬舉泰和人洪武中以賢良薦除蘇州同知歷

山東鹽運副使

裴君弘西江詩話蕭鵬舉洪武中以賢良應制賦指
後草詩稱旨

田按鵬舉劉子高詩弟子其佳句如明月不可得孤
燈還近人舊馴野鶴丹生頂新買河魚錦作鱗函關
曉霧青牛去華表秋風白鶴來殊可誦也

寄吳所與

南溪流水北溪雲無限新愁總憶君
鴻雁來時天杳杳鷓鴣
嘒處雨紛紛郎官湖口江流合
武姥峰頭樹色分相去只緣
三十里此生何事苦離羣

白範一首

范字以中錢塘人

列朝詩集明詩綜作山陰人
余據萬厯錢塘縣志改正 洪武

中黃州府同知有虛室集

卷二十一

八

田按以中為岐陽王客岐陽府第有西塘之勝以中
作西塘八景詩徐大章稱其清切精緻吐辭有盡含
意無窮誠為雅製惜虛室集不傳

公樂驛有懷出關二公子

武英同受詔萬里去從戎自笑蠅隨驥番成燕避鴻
心飛灤水北魂黯薊門東回首崆峒樹依依夕照紅

周槩一首

槩字仲方吉水人洪武三年舉人官台州同知謫戍

廬陵復起為訓導

王均章畫虞山圖

中陽山人思超逸圖寫江山用金碧滄海紅塵幾度飛特向
人間留妙蹟層巒萬疊煙霧浮禪宮道院當山頭浮屠屹立

遙漢外危石正瞰清流平橋渡水西林去草屋茆亭隔煙
樹童子攜筇獨鶴隨仙人背立溪橋路前山矗矗知幾重懸
崖怒瀑飛晴虹漁舟影沒汀樹遠收笛聲斷江天空中陽妙
手誰復擬咫尺依稀如萬里仙巖有路疑可到便欲振衣凌
拂水君不見吳山吳水南海歸隨聞老人留七年紅橋畫舫
姑蘇市晚稻香稔湖上田江山千里總奇絕我昔思歸精欄
然還君此畫一長歎花外聲聲嘯杜鵑

練高二首

高字伯上新淦人元季領鄉薦洪武中召爲起居注
直言忤旨出爲廣德州同知歷臨汀鎮安二府通判

有集

卷二十一

九

田按伯上詩音節高亮虞伯生王子充爲作集序惜
今不傳楊東里云清江劉仲修冠末知學因過婦
翁同郡練伯升翁長子增也登有文譽翁家特異視
之而庸衆人視仲修旣歸發憤就學日夜不懈學業
大進時譽更出伯升右余檢練中丞遺事錄伯升伯
上弟也著作全亦不傳

寄參謀劉彥昂行軍已度劍關次韻志喜

遙駐旌旄已渡瀘壺樂父老迓前驅幕中司馬徵韓愈灞上
將軍詔亞夫金甲瑀弓朝洗箭銀燈虎帳夜投壺應知橫槊

題詩處錦瑟凝歌翠袖扶

半船送張起潛之柳州萬里山巒百嶺銀瓦旌孤燈

尋水環城擁翠來柳陰府署倚雲開唐祠宿食歌丹荔漢柱
銘功篆綠苔日落雷塘雲霧合虹消桂嶺颯風回南行無雁

音書少別思綿綿不易裁平蕪黃水西林棧草屋黃亭

史遷

二首 共當若人及吳文泰與丁知誠賦日及雨不州二人

遷字良臣金壇人洪武中用辟召除蒲城知縣遷忻

州知州復知廉州

田按長臣詩尙真率卻無慢聲俚句

菌子詩追和楊廷秀韻

松花岡頭雷雨急坡陀流膏漬香汁新泥日蒸氣深入穿苔
破蘚釘戢戢如蓋如芝萬玉立紫黃百餘紅閒升燕支微勻
滑更溼傾筐盛之行且拾天隨杞菊謾苦澀采歸芼之脫巾
笠桑鵝楮雞皆不及嫫媧天花當拱揖鹽豉作羹炊玉粒先
生飽飯踏曉日更遣樵青行負笈簪藟草坐遊神川圖景
東渡簡玉原輩

卷二十一

十

東郭道人天才奇置身散地任支離阿誰或訝嵇康懶此老
真成濟叔癡白日放歌盃在手青春作夢草生池輞川圖是
傳家譜留得當年絕妙辭

漫興

好風輕雨趁輕雷一洗山川菴晝開誰道衡門無過客春深
還有燕飛來

吳文泰一首

文泰字文度吳人洪武中涿州同知謫戍雲中卒有

愚菴集

不輟蘇志吳文泰耽於詩清才逸思雖罹憂困而嘲弄
者嘗閉戶共爲詩人見其笑無煙往視之則方瞠目

相對亦忘其飢也語皆厲苦若孟郊益碎蹇矣

送人從軍之永州林雲雲送張特川谷面寄空詩

嗟君此別向南州路驛迢迢萬里秋愁斷猿聲非故國夢迴

月色在孤舟湘潭水落魚龍遠衡岳雲開霧雨收聞說從軍

還有樂不須懷土更登樓

程煜一首 蘇天淵詩景歐風景斜美飄萬靈變

煜字彥明揚州人寶坻縣丞

過太湖

擊楫中流去西風客思催地吞南極盡波賦北溟迴鮫館懸

秋月龍宮起夜雷濯纓人不見長嘯倒金罍

吳斌四首 中林南人共茂中吳斌吳盛兩平選錄主

卷二十一

斌字韞中休甯人洪武中用薦授温州平陽縣主簿

有韞玉山房集人不畏其難金碧生

田按韞中詩學太白頗有奇偉之觀

次韻戴尙文遊顏山

美人契邈想濯足青蓮池我亦思攀援騰空躡雲螭蒼茫送

遠日直接扶桑枝天低流景迴風遠浮雲馳萬靈受荼毒生

死皆非宜仙人與佛子縹緲何須期吾當問青天願借箕尾

騎空亦抵世補遺本意為請欲衛君建開靈雨地開諸

雜詩

豫章在高嶽挺然出喬林雲霄接飛翰川谷涵清陰龍鱗結

翠色貞固如精金粹人構珠殿飛斤欲相尋雖憑萬牛力賴

此春山深大材失平地倚樹空沈吟今日小種風寒思滿川

青州歌

青州高城雄九州城門天上飛瓊樓羽林兵衛若熊虎劍戟
耀日寒光浮迢迢紫陌香塵起車馬爭馳迅流水飛費萬井
碧鱗鱗綠樹連陰柳營裏嗟峨城闕帝子宮天人遙鎮滄海
東海波鏡淨寂不動鯨鯢不敢揚天風樓上銀壺漏初歇晝
角龍吟泣霜月寒聲蕭颯落梅花吹作征人鬢中雪

宿密多巖蘭若

寶刹倚青漢金宮瞰紫煙巖巖明秀木天罅落飛泉香窟幽
僧定雲房逸客眠澄輝滄海月應與此心圓

雷燧一首

卷二十一

十一

燧建甯人洪武初南陵知縣

贈南陵劉章甫

仙嶺閒尋採藥翁草堂留話數宵同要知山下雲深處只是
人間路未通泉領藕香來洞口月將松影過溪東求名身在
閒難遂明日馬蹏塵土中

葉子奇

四首

子奇字世傑龍泉人洪武初用薦授巴陵主簿有集

題張原探蓬窗

田按子奇所著有太元本旨九卷草木子四卷範通
元理二卷本草醫書節要各十卷齊東野語三卷詩
集十六卷文集二十卷今所存者惟太元本旨草木
子二種子奇博學多通小詩亦翩翩有風致

題張原探蓬窗

銀絲魚鱸碧芹羹曾記扁舟越上行今日小軒風味似滿川

風雨看雲生

縣舍卽事

朝日開衙暮散衙略無一刻及春華偶過縣舍坡陀外隨分

春風領菜花

岳州歌

綠波晴漾白鼉池郭外人家有酒旗客思獨如楊柳樹春風

愁緒萬條絲

寓玉清觀

徑草微微護淺沙小山叢竹玉清家牽牛延蔓無多碧點綴

秋光一兩花

卷二十一

三

對水臨兩山

細草微微護淺沙小山叢竹玉清家牽牛延蔓無多碧點綴

人間富王壽

醉舞萬籟

雲霧自盡遊潭水人來百醉誰客思隱居樹樹春風

岳州歌

春風領菜花

綠波晴漾白鼉池郭外人家有酒旗客思獨如楊柳樹春風

縣舍卽事

朝日開衙暮散衙略無一刻及春華偶過縣舍坡陀外隨分

貴陽陳田輯

甲籤

胡奎 四十一首

奎字虛白海甯人洪武中以儒學徵授甯府教授有

斗南老人集六卷

四庫總目奎生元至順間嘗遊貢師泰之門集前有甯
王權序朱彝尊靜志居詩話稱吾鄉雲東逸史曾手
錄其藁舊藏項氏天籟閣繼歸高氏稽古堂後為華
山馬思贊所藏案今世所傳奎集皆出原序此本為
止有四卷前有項文英館所刊見於甯府書目崑山徐氏
明初甯王府文英館所刊見於甯府書目崑山徐氏
傳是樓又從原刻影鈔實分六卷凡詩一千九百餘
首與項氏所藏互核乃知彼多所脫佚不為足本觀
甯王序中載宗哲徐將軍居西山有道士過訪食藏
道士吟一絕句云一拳打得地皮穿握住東風不放

明詩紀事卷二十二

拳以待杜鵬啼血後放開鳳尾始朝天問其所作以
箸書斗南老人四字時先生未有是稱後得先生藁
方知先生詩也與所載望湖亭一事文相連屬而朱
彝尊靜志居詩話獨未採錄知彝尊所見惟天籟閣
殘本其記望湖亭事亦從都致彝尊詩話據入耳奎
詩不事雕飾往有自然之致彝尊謂其功力既深
格調未免太熟誦之若古人之集中所已者其言誠
不為過然春容和雅其長處亦不可掩視後來之搆
拾摹擬者固有間矣
清江集虛白從民曹貢公玩齋學詩公為指授三經
三緯法及論漢魏以下之變故虛白末三十已進於
詩凡觸物而成者粲然春翹之擢穎翕然天籟之投
詩談海昌胡虛白一鶚橫秋羣鳥欲翼
七修類藁浙省員外郎張光弼名昱廬陵人元末政
埋遂棄官不仕以詩名自適號一笑後果如其言海
昌胡虛白作詩以弔云二仙坊裏張員外頭白相逢
只論詩今日過門君不見小樓春雨燕歸遲西子湖
頭碧草春天留山水葬詩人老連泉下應相見為說
梅花寫得真二仙坊在杭之壽安坊西即今之花市

田按虛白長於樂府七言斷句風藻翻調殊有標致
余所見斗南集係影鈔甯國文英館本與四庫著
錄一千九百餘首之數適合詢爲罕見之笈詩綜第
錄六詩不足見其所長特廣爲甄錄與海內談藝家
共賞之

題廬山圖

我昔夢五老翱翔綠雲中濯足銀漢水上與天門通清猿夜
啼月夢回迴寥絕遙遙紫霞想忽若干年別昔向夢中見今
從堂上看林巒如夙契煙翠生高寒此境何時遊我夢難再
續悵望九疊屏白雲滿空谷

東園漫興

池荷生夕涼快雨飄然至窗虛延竹色林暝散花氣地偏人
事簡遂我幽棲志緬懷心所親伫立疑遠思

明詩紀事卷二十二

二

西池晚酌

方池散文漪微颺坐來爽歸禽各已息華月從東上故人適
我趣携尊共延賞隔水聞疏鐘令人起遐想

孫贖

孫贖古名將龐涓俱學兵剛足見齊使始識田將軍指麾輜
車中號令若風霆引兵走大梁遂解邯鄲城救韓示怯戰滅
竈功乃成馬陵書大木弩發如流星跛鼈信千里刑餘安可
輕

長歌引

短歌歌不足長歌斷復續六龍之車海上來千秋萬古無停
轂碾雪推霜入鏡中坐見綠髮如飛蓬滿堂窈窕春花紅長

歌一曲歌未終西陵隴樹生秋風

秋夢引

井烏啼月銀床冷
轆轤聲斷青絲縷
美人夢逐絲雲飛
鸚鵡隔窗呼不醒
小鬟臨鏡雙盤鴉
熏籠火煖篆煙斜
一寸方心化蝴蝶
飛來自采夫容花

巴陵女子辭

青楓嶺頭月照見
巴陵女兒血血書石上
痕不消祠前古樹風蕭蕭

迎龍曲

朝迎龍暮迎龍
旱火燒天龍在宮
縣官投牒石潭中
山南山北鼓逢逢
蜿蜒躍入楊枝水
山雲一縷隨龍起
龍未離山雨到城
城中三日不得晴
明朝打鼓送龍去
願龍十日行一雨
種田有水刈麥乾
年年謝龍神亦歡

明詩紀事卷二十一

三

白苧詞

翦冰綉縫雪縷
館娃宮人越溪女
回風吹雪長袖舉
玉階纈紛落花舞
白月墮地河星高
流雲卷空翻翠濤
宮門魚鑰夜迢迢

長平箭頭歌

戰長平四十萬人
同日坑古苔蝕血
銅花青千年金篲
摧白翎空遺黃金鏃
不射秦時鹿西出
咸陽門哀哀鬼夜哭

禹家墓

石門山前箭如雨
朝別良人暮爲鬼
石門山下百尺泉
一日

身死名千年至今石門山下路烈婦人稱禹家墓墓前斜日
一僧歸卽是當年十歲兒

稿李詩繫禹氏名淑靜吳守正妻居崇德石門鎮元
季苗獠之亂亟與夫投舟中死苗及之淑靜止淑
靜度不免遂抱幼女入越亦死兵間遺孤德昂無依去金
葉葬其地守正入越死史德昂入京以母死事告於
華山中爲僧後度錢塘省墓宋學士謙序以送之稱
其至孝有儒行會修元史德昂曰白雲先董鎮人表爲
史氏遂得列傳歸廬母墓榜曰白雲先董鎮人表爲
貞母阡徐一夔有記胡奎有詩一

垂虹亭晚泊味保菴

泊舟垂虹亭水氣秋冥冥氾濫露浮白依微天倒青鐘聲臨
水度漁唱隔林聽賴得知心友因傾雙玉餅
寄震龍門和尚

安平池子上不到十餘年石老三生夢茶枯一味禪澗泉通

明詩紀事卷二十二

四

屋下山雨落尊前我亦除煩惱還來了勝緣一泚輒歸泉
和賈徵君韻

憶昨放舟相見時繫纜宅前楊柳絲別來晴雲碧冉冉看過
秋葉紅離離茶煎雪水同誰喫書到柴門有夢知晴日半窗
初睡起水仙花畔和君詩

次禪上人韻

上人白毫應壽昌寄來草聖逼鍾王蓮花漏點禪心靜蕉葉

兩聲詩夢長出海神龍還問法上堂侍者慣燒香南州八月

尚煩熱渴想一杯甘露涼

一會寄友人當平十嵐泉

東里先生眉最白南州高士眼終青蓬萊弱水三清淺蝴蝶

莊周一夢醒今日好書封禪裏他年還築聘君亭看山樓外
秋無際誰識天邊處土星

林谿

谿上青林林下谿南州下隱草堂低水生酒舫高過屋花落
樵徑淨無泥鄰翁把釣得春鯉童子煮茶聞午雞白頭也欲
采芝去好在洪崖丹井西

玉階怨

露下瑤階冷流螢溼不飛長門今夜月特地上秋衣

山鷓鴣辭

江上有山復有山鷓鴣啼處兩斑斑一聲兩聲行不得南船
北船朝暮還

明詩紀事卷二十二

五

仙人詞

金鰲背上藥珠宮千歲桃花幾度紅曾見茂陵松柏下銅仙
清淚落秋風

唐宮行樂詞

明日內家遊上苑許教鬪草賭金釵怕人先記花名字隔夜
潛偷玉篆牌

過浦賦竹枝詞

雪後江南春到時鵝黃已染楊柳枝東風不解離別意一日
惱人千萬絲

次韻王繼學灤河竹枝詞

灤河杏花如雪勻小雨三日不生塵鱸頭少婦勸郎酌花如

人面草如茵

太湖竹枝詞

第四橋頭楓葉青
白龍吹雨浪花腥
過橋買酒待月出
今夜宿垂虹亭

簡員外張士謬

畫省題詩白晝閒
春寒繫馬百花間
船頭載得官瓶酒
來看江南雪後山

題揚州載月圖

好月多情不待招
滿江風露夜迢迢
分明記得揚州見
只欠瓊花與鳳簫

題繫馬圖

明詩紀事卷二十二

六

日日黃塵淹馬足
誰能占得午陰涼
天閑芻豆無多戀
好解青絲八尺繮

過陸龜蒙書院

太湖水落秋冥冥
七十二峯相送迎
扁舟遠訪天隨子
日落荒祠楓葉青

江上漫興

江上鯉魚吹白波
舟人打漿唱吳歌
斜風細雨家千里
輪與元真一釣蓑

小桃花落雨紛紛
蓼葉青青試浴蠶
好山好水魚米賤
人生只合老江南

臨安勝覽

紅泥亭子赤闌橋二八女兒眉黛嬌手折荷葉蓋頭去瓜皮
船不怕風潮

次揚州鐵笛漫興韻

南山北山眉黛青日日載酒望湖亭買得湖船十樣錦醉倒
美人雙玉餅

紫薇花下

天棘移來一尺長呼兒澆水傍南牆柔條盤作青羅蓋借我
山窗一夏涼

輓榮教諭

江風山月夢悠悠白髮三年在惠州詩骨梅花兩清絕此身
只合葬羅浮

明詩紀事卷二十二

七

題松

丹井西頭只一箇香鑪側畔恰千株何當著我坐盤石童子
掃花間讀書

移竹

山蕉葉畔偏宜竹借我南窗一夏涼八尺簾紋清似水秋聲
月色兩相當

美人題樂工湯子玉琵琶手卷

七尺烏藤手自扶東風吹雪上頭顱梨園傳得龍香撥借問
春愁撥得無

瓊花高髻有干娘一曲揚州獨擅場不有詞人龔子敬無人
知有賀新涼

春日東園漫興

竹裏開門稍向東，隔簾吹過杏花風。青苔一徑無人迹，時有山禽啄晚紅。

長日南窗一卷書，更憑何物稱閒居。睡魔也自相欺得，茶鼎熏鑪儘破除。

和望湖亭東坡原韻

鷗外清波雁外山，望湖亭下繫歸船。夜深起坐占風信，人在珠宮月在天。

南濠詩話海甯胡教授虛白洪武間歸自江西泊舟番君之望湖亭見亭上石刻東坡詩一絕虛白賡其韻書之於壁忽有老者來誦其詩曰子非斗南老人耶乃為長揖舉首不知所往虛白因自號斗南老人

明詩紀事卷二十二

八

翰字時舉夏縣人，洪武中以經明辟夏縣訓導，改平

陸遷鄆陵教諭，擢周府長史，棄官復用，薦為翰林編

修，謫廉州教授，夷獠亂城，陷抗節，死有敝帚集梁園

寓稿山林樵唱

四庫總目翰始抗驕，王終殉國，難其立身，具有本末，發

為文章，率元人禮織之習，七言古體往往有質直語然自

矜，性尊無元人禮織之習，七言古體往往有質直語然自

朱彝尊輯明詩綜，未錄翰詩，當由未覩斯集

夏縣志，王翰結廬中條山，有所得，取落葉書之，風起

輒飄滿潤谷中，按節高歌，聲振金石

田庫提要，稱時舉，祥符州人，父仲文，為夏縣令，遂家焉

志無時舉名，惟於藝文載王翰梁園寓稿，當是據提

要採入也，時舉詩蘊藉中特饒秀勁之色，久雨述懷

云，巨時疏拙無奇策，憂國衰殘負此心，蓋身事驕王

憂時之思，見乎篇章，卒以數諫不納，伴狂斷指去，再

官廉州，以身殉城，名節完人，豈獨以詩傳哉

題上清張真人畫陰厓長嘯圖

穹厓壁立三千尺萬挺蒼官並厓立半空垂瀑似飛龍怪石
秋陰護苔色水邊鶴立似神仙意欲飛空凌紫煙白雲不隔
華陽洞綠波遠入桃花源羽衣翩翩無覓處萬壑千巖鎖煙
霧龍吟虎嘯下青冥天風振落三花樹上清宮中仙子家興
來繞筆飛煙霞蘇門一嘯聞千古但恨不得隨仙槎

鑄鏡行

妾念嫁時新鑄鏡鑄成團圓秋月色從夫從軍藏入匣鏡面
已昏妾面隔紅顏落爲霜葉枯綠髮已隨秋草白妾顏雖改
心不轉手携團鏡情脈脈昨日書來在桑乾新衣未寄舊衣
單秋風入戶吹羅幌妾身未夜念郎寒何時降王來款塞罷
負長戈卸征鎧歸來對鏡試春衫團鏡重磨妾埽黛

明詩紀事卷二十一

九

題山居幽趣圖

幽人愛岑寂林下築幽居觸石雲生谷通泉溜決渠鶴眠春
院靜猿去晚林疏時有采芝客商歌振碧虛

過湖口縣

澄江東去急南槩入湖深林密藏秋雨山高倒夕陰麗譙臨
小縣佛閣出遙岑當趁風濤便無由得賞心
送河南王府判考績
三年佐治往東周又及南轅報政秋千里暮雲迷汴水一瓊
疏雨別嵩邱鳳臺曉土留新句虎監春行訪舊遊料得歸期
在初夏杖藜携酒待仙舟

陵陽春曉圖

陵陽山下林亭好更有高人爲卜隣
幾箇修篁鳴翠雨一溪流水隔紅塵
靈龍過澗能迎客幽鳥到窗如喚人
少住梁園驚歲月春來頓覺夢歸頻

秋懷

秋窗昨夜秋風起百感心成一寸灰
千里雁來書未至五更蟲語夢初回
地連洛汭浮雲斷山接滎陽夕照開
何日黃河航一葦中條山頂望青臺

南陌詞

南陌東邊楊柳枝長條拂水綠參差
行人不似枝頭絮也有無風到地時

明詩紀事卷二十二

十

無風管時敏

二十一首

善遷左長史有秋香百咏
蛭竅還鄉紀行等集

四庫總目時敏學詩於楊維禎而不蹈襲維禎之體所作春容淡雅多近唐音張汝弼作董紀集序歷數松江詩人獨謂時敏詩清麗優柔足與袁凱方駕蓋不誣也
丁鶴年海巢集時敏詩體製嚴整間出新語亦復清俊絕句詩元人惟龍麟洲范清江虞青城得晚唐三昧時敏絕句俱有法度豈非嘗私淑於三公故耶

秋夜

不寐耿長夜攬衣徒獻歎
陰蟲吟近砌涼颿動疏幃
素抱殊未釋清歡念多遠
豈惟南飛鵲茲夕無所依

小小從行伍

少小從行伍千金購武裝日騎官廐馬夜宿酒家倡知已甯
論死臨危肯畏強蠻夷知姓氏不敢犯封疆
發新河次韻
自忝王門祿頻年此地過秋風迴遠道暮雨宿新河白浪鷗
邊小青山雁外多客杯相慰藉一酌總恩波

遊寶林寺
金碧絢樓臺禪關向北開水分雙澗出雲擁萬峯來古佛遺
香火殘僧話劫灰黃塵吾老矣何幸一徘徊

送宗師還玉泉寺

省師何處去古寺玉泉清山笠披雲過江船趁月行拈香參
祖塔乞食到王城此去傳心印應知道可成

明詩紀事卷二十二

十一

過田家
偶過吳家墅殘陽半掩扉遠汀低樹密小徑雜花稀新酒浮
筍穢鮮鱗墮釣肥年來任疎懶一醉卽忘歸

過洞庭

湖上東風水似天渚花紅白共春妍蒼梧二女墳前路青草
三閩廟下船鮫室綉機聲札札龍宮珠珮影娟娟官間更遂
南遊興借榻君山寺裏眠

宴徐氏樓

高宴徐家池上樓座中賓客最風流東城美酒休辭醉南國
佳人自解愁晴日遊絲當戶落煖香風篆近簾浮歸時不用
山公馬短棹春波正滿洲

清明感懷
十年宦學楚江濱
老景垂垂上此身
種柳忽逢三月節
看花又過二分春
青山風雨多新鬼
白髮江湖少故人
東憶墓田
千阜下
可堪回首一沾巾

和鶴年丁先生宿東巖韻兼呈洪山海禪師

借榻東巖第幾層
山中玉舍佛圖澄
浮榮過眼寧非夢
清苦前身本是僧
齋罷雲扃時聽講
詩成雪屋夜懸燈
虎溪有約仍三笑
自愧爲官老未能

修竹芙蓉

水仙小隊自成雙
裊裊霓旌引翠幢
一夜湘君頭盡白
西風離思滿秋江

明詩紀事卷二十一

三

題玄真詩意圖

千峰雲氣涌如泉
遠樹微茫斷復連
祇有大夫橋下路
青山都屬釣魚船

三題倪元鎮先生小景

柳上相逢記昔年
風姿睚眦似神仙
如今看畫渾疑夢
春樹雲連一惘然

京中懷季翔

百壺佳醞透鄰香
出水新魚滿尺長
阿母微醺孫在抱
芙蓉湖上好秋光

夜泊驪港

人去歸程派急流
打頭風起又維舟
不因采石千罌酒
那解

青山萬古愁

答顧謹中

九點吳山夢裏青
遠煙疏樹晚冥冥
何時買得螭頭舫
秋水菱歌柳上聽

紀夢

小宴初闌罷玉笙
東風庭院好春情
流鶯啼過東樓去
一樹梨花正晚晴

題奚瑄雲山佳處

羣峯競秀遠儂家
流水當門石徑斜
閉戶不知春已去
白雲滿地落松花

夢成

明詩紀事卷二十二

三

大溪溪上清風屋
小草幽花分外香
白鶴一羣飛不定
萬株松下讀書床

詠菊

越孃初試素羅裳
愛向秋風學靚妝
一夜不勝瓊珮冷
晚香亭館有新霜

白西施

秋水池頭看鬪鵝
霜毛零落粉香多
不知滿地誰收拾
剪作

寒花照碧波

剪鵝毛

麥蕭蕭

田牧

四庫提要稱時敏秋香百詠在集外別行見周子治所作全卷記中今皆未見殆久而佚余從松

次無吳

風餘韻採錄二首亦秋香之贖馥也

林温一首

寄山黃温字伯恭永嘉人官秦府紀善遷長史有栗齋集

送樓士蓮之官四川仁壽分韻得知字

見說蜀中天下奇一官萬里去何之雲連古棧驅車遠江繞
盤渦入棹遲落日秋風神禹廟黃鸝碧草武侯祠尋幽好載
鄆筒酒縣令相過是故知

貝翱一首

翱字季翔崇德人助教瓊子洪武中官楚府紀善有
平澹集

閒居

閒居不是爲逃名野性從來少宦情況有林塘供嘯咏且無
冠蓋費逢迎夕陽山好樓中見春水船高樹杪行何處飛來
如雪鳥相親相近不相驚

明詩紀事卷二十二

古

張壁一首

壁字景辰陳留人徙松江華亭洪武三年鄉舉除澠

城知縣終蜀府典寶

松江府志景辰與同郡俞嘉言陶南村李處仁爲文
學友嘗校文福建歸林崇高畫閩溪放棹圖送之陶
南村題句云一棹閩溪下瀨船千巖萬壑路句連榕
陰處處浮嵐外杜宇聲聲落照邊考試來臨多土上
宦遊向在十年前故人分手難分別寫得雲山上蜀
賤景辰好題詠凡交遊卷軸每題必署尾曰陳留張
壁

嘉禾

城頭倒影落湖波湖上風帆鏡裏過歸客自炊菰米飯小娃
爭唱竹枝歌梭頭艇子輕於葉雪色沙鷗白似鵝此地將軍
戰時血春來丹漬蘚痕多

春 奉祠有紫薇稿

歸田詩話庚辰歲秋權停江北五布政司學校子在
 河南孟平在山東各齋學印赴禮部交納孟平劄子
 於大中街旅舍相見甚歡予置酒出紀行返棹編示
 之孟平贈詩有江湖得趣詩盈卷故舊忘懷酒滿樽
 向云捲起綠袍袖舞助教孟平授谷達善祠教亦好未
 詞見之大笑喜其善謔也孟平刻意於詩有日課之
 工嘗手書百篇寄子孟平後卒於長沙子亦遭難家
 事零落所寄詩亦被入取去獨題窮燈新話長篇載
 在卷首幸而存焉乃訓導錢塘邑庫人鳴與侶開口為錄
 於此以萬鄰笛之悲云山陽才人鳴與侶開口為錄
 闕為古春以桃花染性情秋將桂子薰言語感離撫
 遇心怛怛道是無憑還有憑沈沈帳底畫吹笛與照
 窗間宵翦燈條而晴吟忽而兩悲欲啼兮喜欲舞玉
 簫倚月吹鳳凰金柵和煙鎖鸚鵡造化怪奇將有
 一念才萌方寸移善善惡惡苟無失怪怪奇奇將有

明詩紀事卷二十二

五

之丈夫未達虎為狗濯足滄浪泥數斗氣耐骨聳聳
 有聲脫幘目光如電走道人青蛇天動搖不斬尋常
 花月妖茫茫塵海瀾萬點落落雲松酒半瓢世間萬
 事泡幻耳往來有情能不死十二巫山前道深雲母
 屏風薄如紙鴛鴦宅前芳草迷樓樓在錢塘江上住
 屐風柏來孤操不獨鴛鴦能並棲回斷夢殘魂落何
 處還君此編長嘯歌便欲酌以金叵羅醉來呼枕睡
 一覺高車駟馬遊南柯
 田汝水東日記去陸人桂孟平卒於長沙子嘗得其
 詩文手稿一帙皆紙背也蓋洪武二十年子嘗得可
 館所作其正則其學者日課題目制作字畫皆有可
 觀俞萬全訓導張升選得六篇今摘其警句云山中
 歲月王逢雁客裏饔飧兩饌魚老境更從天下健僧
 房偶許客偷閒雲裏饔飧兩饌魚老境更從天下健僧

春暮

忍將愁眼看韶華桃李無言日影斜晚白茶肥蠶出火冬青
 花落燕成家歸田誰復如賓饁入室今惟對影嗟無可奈何

聊一睡不勞春夢繞天涯

時孟平喪偶

黃集一首

渠字體方新淦人洪武中徵為周府伴讀

歸田詩話沐梁為宋東京遊宦者少得清暇以遂其
 賞之樂當時有賣花擔上觀桃李拍酒樓前聽管絃
 之句伴讀黃體方續之云雨後淤泥填紫陌風前塵
 土障青天蓋街道無溝渠又不用磚石豈遇雨則行
 潦縱橫而地迫黃河起則塵沙蔽目華輦開塵也
 集體仁門體方戲語同列此所謂才子徵為周王
 府伴讀余求其集不得所著有詩海珊瑚其自序云
 僕學詩數十年讀詩數萬篇求其渾然天成之句於
 百中得一二錄為一帙命曰詩海珊瑚蓋所選皆五
 七言佳聯而附以仄作其五言詩海珊瑚蓋所選皆五
 萬里身盤石中流坐青山夾岸看對此十分月能消
 萬古愁水天一色風月自雙清雲生雙湖中人坐
 兩松間移舟秋水渡載酒夕陽亭玉宇秋無際瑤臺
 江云東南形勝分天整多帶外棟宇斗游扁舟一日

明詩紀事卷二十二

夫

馳千里雨岸青山過萬重閩中云千里溪山無限景
 四時花木一般春太湖云白晝風雲連海起青山煙
 雨使人愁赤壁云兩篇詞賦千年在三國英雄一戰
 休中秋云人在山河秋影裏酒樹天地已仙耶郭云
 然像客處笑門歸去一人如黃梁旅夢成骨僧云茶
 客千食處笑門歸去一人如黃梁旅夢成骨僧云茶
 為客久秋來有月與誰看送弟云鄉思共隨雲北起
 客心忍看雁南飛餘無題云野田青處麥千頃楊柳
 綠邊人幾家夜來風雨滿山寒衣起白雲翻海濤風
 急數聲聞遠宿月疏密雨纔過白頭紅花亂
 門外雙溪春水生疏密雨纔過白頭紅花亂
 開半夜雨聲殘暑退一天秋色晚涼新野橋流水三
 父路茅屋人家獨樹村行看野岸數楊柳驚起沙洲
 雙鴛鴦路上故園頻入夢天涯芳草未歸秋晚風
 到皇梅雨時其中孤雲自得天然不失其為工也
 會見其送人長歌酷似太白令藁不存矣惜夫
 田按體方官周府伴讀時王時舉為長史時舉梁園
 寓稿中多與體方唱和之作體方與徐旭楊景華作
 雪夜聯句圖雅好專云
 雅繼唐賢亦風雅好專云

過陸象山墓

西風匹馬駐郵亭茅屋雞鳴尚未醒野寺秋聲三徑竹石橋
雲氣一潭星寒欺短褐霜華白水落平田野蔓青師友家傳
今寂寞欲移文字問山靈

羅昭一首

昭字景南武進人洪武癸酉舉人授吉州學正擢右

春坊司諫皇孫出閣簡為侍講擢署府左長史

出京

頻歲還山願今朝得遂初風塵雙鬢雪行李一囊書秋草天
低處春宮鶴夢餘懷恩難遽別回首幾躊躇

曹颺一首

明詩紀事卷二十二

七

曹颺字東白歙人洪武中舉明經授本府訓導遷遼府

刑憲審理

苦熱

六合炎炎暑氣浮火雲如水向西流南風不解人間愠只在
君王殿閣頭

陸闓一首

闓字伯陽揚州興化人楚府伴讀有友蘭集十卷

東里集伯陽長於詩古體宗魏晉近體主盛唐兼工
書法極力鍾元常王逸少父子常曰去此非第一義
畫山水木石亦為當時所重

巫山高

巫山高望不極十二奇峯插天碧巖花開落春復秋萬壑猿

聲江水流煙樹鬱蒼蒼巫峽深且長至今朝雲與暮雨豈有神女來高唐風流宋玉自多才行人何必問陽臺

臨高臺

層臺望不極望極思茫茫鄉樹連天遠雲山接海長徘徊日將暝忽見飛鴻翔所思未能去離憂徒自傷

七夕

微風動修竹明月上高嶺沈沈露氣涼寂寂漏聲永河漢遠橫空梧桐散清影悟淡已忘言悠然心獨領日星白髮小田

陳南賓一首

取南賓名光裕以字行茶陵人元進士授全州學正洪

武三年徵為無棣丞歷膠州同知入為國子助教擢

明詩紀事卷二十二 六

蜀府長史有安老堂集

題墨竹 谷次錄 吳宰台茶刻人元獻士避全賊舉五

九疑何處泣湘靈汗簡裁成數尺綾鶴馭已迷蝴蝶夢龍香

猶溼鳳凰翎將軍節操凌冰雪主器文章麗日星白髮小臣

懷舊德摩挲遺墨淚交零

妹 續玉筒詩談成都天霄寺西廊有僧寮一余以重慶

孫祖 云其前有題云雪樵下筆寫瑯玕意在湘江萬玉間

鳳臺 老幹垂秋兩蒼蒼者洗濁泉虛心三所尺高節幾千

綱 昇將軍者或戴壽 鄒興輩耶勤有似是隱語豈明氏

歐文來 田按史稱南賓洪武二十九年與方孝孺同為四川

考其官詳味詩意似為惠帝而作何干明氏事耶

貴陽陳田輯

甲籤

陶宗儀 十七首

宗儀字九成黃巖人洪武六年舉人才至京以病辭

放歸有滄浪樵歌南村集

四庫總目陶宗儀南村詩集四卷是集不知何人所編

考其題中年月及詩中詞意入明所作十之九惟鏡

歌鼓吹曲諸篇似為元時作耳其編次年月頗為無

緒殆雜敗遺棄而錄之未遑詮次又顧阿瑛玉山草

皆雅集所載懷樓七律一首送株上詩如疏林早

秋殊不見收知非宗儀自編也首晉品其詩後勁非元

末靡靡之音其在明初固屹然一巨手矣

孫作滄螺集陶先生宗儀沖襟粹質灑然不務古

學無所不窺出遊浙東西潞國張公翥永嘉李孝

明詩紀事卷二十三

先京兆杜本問文章為事故其繩檢家法過人遠甚

尤刻志學工舅氏趙集賢雍篆筆至正間辟舉行人

校官皆不就張士誠開闔始蘇數郡之土畢至其部

帥議以軍諮屈謝不往洪武辛亥命守令舉人才以

病免藝圃一區蔬蕘積度引觴獨酌歌所自為詩

接溉壅身自為之問益閉門著書世所共傳遺

撫掌大噓人莫測也晚益閉門著書世所共傳遺

一卷其未脫者不預焉

周亮工因樹屋書影四幼時在金陵聞舊棚中老憲

十家有說郭種一部以數少陶氏當時即有棄取未

至每集有存不四五葉者陶氏當時即有棄取未

如是之簡此刻未出博古之士多有就寇家鈔錄者

及刻出不知者以為說郭盡於矣更不知求其全余

姚弘緒松風遺韻郁文博當手錄說郭一百卷其校

坊問所刻云郭首頭林下一者儒終歲樓中校說郭今

田按汲古閣刻元十家集有南村詩四卷每抵南村

為元人則不自毛晉始矣至牧齋引丙子率諸生赴

禮部考試疑其曾列官教授竹垞又援其乙卯人日等詩謂此等詩可以不作而作之宜錄入明詩四庫收入明人集類論乃定矣易代之際非特出處不可苟卽著作亦不宜輕易下筆義嚴矣哉

擬古用陸國隱韻

浮雲蔽顏陽涼颯謝繁綠氣化相尋繹百歲一何速達人意
有在豈復傷局促且持杯中物對此籬下菊
王風萎衰周人紀壞狂秦大樸變哇淫雕蟲蠹天真迢迢百
世下禮樂就沈淪尼父不復作聖道詎能新
聽輔師彈南薰
深邨隔疏雨一塵飛不到輔師抱古琴叩門忽遠造解囊理
冰絲下指卽高妙涓涓流水心楚楚南風操聲稀意自足味
淡趣自奧別去殊可人谿頭送清嘯

明詩紀事卷二十三

二

題李州銘所藏毛澤民山水

竹雪子能畫山醉來解衣盤礴羸筆力甚似荆與關板甃橋
西憎懂樹灰堆峯前鴨嘴灘夕霏翳壑氣晚靄春瀑出澗聲
潺湲遠岫離離斷復連湘娥縮結風前鬢若非子眞谷口宅
定是太乙元都壇竹雪子玉筍班面帶河朔氣態度美且閒
鳥跡印沙文錯落蝸涎行壁勢迴環物物本然具畫理妙趣
豈在鵝豕間脫略畦町埽邊幅八法默契烏絲闌寸楮片繖
亦可愛令人只尺思躋攀此圖忽落李君手時復把玩多歡
顏老余撫景感眞迹清盟題詩卷送還

南村雜賦 四首

屋小長林東村深四水通睡因閒處熟愁向醉時空鵝鴨春

波綠牛羊晚照紅
歲輸公賦足
泚筆記田功
編圖從入甲
養子慮添丁
閣筆焚三策
攜鋤帶一經
語多鄰
叟醉妖勝里
巫靈俗薄何
須較柴門
盡日局

家貧田亦瘦
身隋禮全疏
囊錦新吟稿
篋藤舊著書
小童能
理權稚子學
將車何幸無
榮辱長年此
逸居

客分疏
雨去人帶斷
煙耕地曠
乾坤大心閒
景物清
藥材書
券貫琴直典
衣更歲歲西
疇秫深憑送
此身

南村後雜賦 四首

槿樹成籬落
松脂化茯苓
閒開籠鶴柵
時過狎鷗亭
汗簡修
書史持杯閱
酒經塵纓終
不縛何媿草
堂靈

谷口蘭宜佩
庭前草不薶
番田栽薯蕷
縛架引葡萄
杜甫十

明詩紀事卷二十三

三

分瘦元龍一世豪
賣書買農具
作業豈辭勞

道隘循墟曲
橋低與岸平
風前松子落
雨後竹菇生
向此得
閒趣
自來無宦情
烏巾方竹杖
林下一田更

江海謀生拙
田園引興長
徑分黃菊本
池種白魚秧
瘞筆營

山竈橫
琴布石牀
俗氛飛不到
一曲水雲鄉

六硯齋筆記天台陶九成避亂湖南王叔明爲作南
村圖茅堂蓬戶遙以田鴨水碓耕犁種種備具兼以
鷺鷥犬猫牛宮豕初覽之眞江南農舍也竹樹原隰
與煙霏山色聊一點綴而已以此見南村翁真率之
趣不愧柴桑
六硯齋二筆陶九成南村圖余見叔明雲西輩數本
矣今又見杜東原南村十景圖磅礴蒼秀極得北苑
遺法其景曰竹主居蕉園來音軒闔陽樓拂鏡亭羅
姑洞蓼光菴鶴臺漁隱碧室杜與其子余少遊南村
先生之門清風高致領畧最深與其子余少遊南村
善不意先生去世忽焉數載偶從笥中得南村別墅
十詠吟誦之餘不勝慨暮聊圖小景以志不忘圖成

卽置之故韻中一日紀南過訪檢出相示欣然謂先
君可從此不朽傳之後世猶令人知胷中邱壑強欲
持去遂命錄先生詩於後并題數語而歸之正統己
亥春三月旣望京兆杜瓊識
田按九成南村圖王叔明倪雲林皆有畫本著錄於
郁逢慶書畫題跋記汪珂玉珊瑚網余又檢梁章鉅
退菴題跋有黃大癡爲九成作南村草堂圖軸張丑
清河書畫舫有吳仲圭爲九成作野竹居圖卷後有
詩跋十餘人始錢維善訖王冕則元四家皆爲九成
作圖矣九成博雅好事故爲名流引重如此余錄九
成南村雜賦附著南村畫本於此以爲誌勝地者作
南村故實焉

簡顧秀才

地偏春自勝市遠客尤稀
草閣開清畫谿航載落暉
雜花晴
簌簌輕燕晚飛飛
問訊東鄰老還容覓釣磯

自和董良史憲僉西郊草堂雜興

清溪脈脈抱虛堂
新竹娟娟過短牆
問柳尋花春事晚
投壺

明詩紀事卷二十三

四

散帙午陰涼時將芳糗充魚餌
歲會香秬備鶴糧
如此閒情
眞自適可無幽夢入鴉行

樂靜草堂爲衛叔靜賦

屋繞芙蓉九疊屏
日長客去掩閒庭
岩花煖傍疏簾落
階草
晴分汗簡青
溫火試香刪舊譜
汲泉煮茗續遺經
江南定有
徵賢詔太史方占處
土星

題雙松獨釣圖

雙松偃蹇水按藍
幾疊遙山送碧嵐
一葉釣舟輕似葦
短蓑
煙雨老江南

題倪雲林枯木竹石小景

蒼玉庚庚翠袖扶
墨池洗出碧珊瑚
倪顛老去風流盡
只有

雲林小畫圖

黎貞 二首

貞字彥晦新會人洪武初舉訓導不就坐事戍遼東

尋放還有秣坡集七卷

四庫總目貞少從孫賈學詩賈集即其所編次雖所造未深而風格尚為道上田按竹垞評彥晦詩多庸實余錄七言斷句三章風韻獨絕

題趙文貴畫

屋頭松檜與山齊屋外飛泉落小溪野老相逢多款曲杖藜

時過石橋西

宿定公港

四月江南煙樹濃吳山楚水寄行蹤南風吹起鱗魚美處處

明詩紀事卷二十三

五

山林啼郭公

泊五侯書所見

溪頭昨夜水沒磯細雨漠漠暗斜暉了鬢三五隔溪女唱歌

撥亂摸魚歸山香墨小派泉聲小鏡漣去味談空燥曲好藥

蘭茂 二首

茂字廷秀楊林人洪武中布衣有止菴吟稿山堂雜

稿

袁文典明滇南詩略楊升菴詩云蘭叟和光臥白雲賈生東晦挹清芬何人為續嵇康傳題作楊林兩隱君和光止菴別號東庵名惟孝亦能詩田按滇自漢通西南夷後張叔盛覽尹珍許淑諸人號為才傑吾黔與滇接壤長通道真遙遙名德互相矜重群柯母斂人各異說既無碑志之錄又無琬琰之編兩地人士共為組豆斯篤論之始考渡瀾略謂渡瀾滄白狼王等歌為滇南韻語之始考渡瀾

滄爲行路所作不必滇人也白狼王歌言語侏離譯其文字殆經潤色考南詔纂蒙氏改國號曰大長和同光三年使人布變來貢月萬里照關山此眞滇詩也雲南信未還懸心秋夜月實錄所紀雲南歲貢國子有明肇興書教斯廣武實錄所紀雲南歲貢國子生入監讀書者衣鈔有賜余檢程原道巽隱集有送字學生段汝霖序云段歸省其親中有禮義之邦名門子孫若汝霖者甚不多見不圖得見斯人於殊鄰絕細之地奚啻百鳥之孤鳳耶原道譽之如此惜其著述不傳於世妣秀楊林隱君也所著有元壺集鑑例折衷經史餘編安邊策條止菴吟稿山堂雜稿今皆不傳金馬碧鷄之鄉蜻蛉螳螂之域採明詩者當請與賦以廷秀數詩爲西南雅音之首矣

全風四時詞 錄二 俗語王 匪於來 寶錄 風 新 畫 吳 夢 匪 四 人

東風滿院垂楊舞料峭寒生龔金縷起傍欄杆問海棠忽驚飛鳥翻紅雨芳菲不爲少年留底用傷春易白頭卻展茸茵

明詩紀事卷二十三

六

坐花底玉奴紅袖奉金甌
湘簾捲上雙鉤玉寶鴨沈煙散清醜榴花帶雨脫輕紅蕉葉含風展新綠蘭湯浴罷玉肌涼牙簟紗廚清晝長夢到可人誰喚起一聲啼鳥在垂楊

蘭廷瑞 二首

廷瑞楊林人

田按廷瑞詩見楊升菴丹鉛錄袁文典謂是廷秀弟也絕句殊有風致

夏日

終日凭欄對水鷗園林長夏似深秋槐龍細灑鵝黃雪涼意

瀟瀟風滿樓

冬夜

寒窗冷透不心人出日冥王海言萬念歸空

枕上詩成喜不勝起尋筆視旋呼燈銀餅取盡梅花水已被

霜風凍作冰

唐貞一首

貞字士幹貴州人海鹽人洪武間以貢任東莞

縣丞

橋李詩繫貞鐵崖弟子韓履祥贈貞詩宦游踰嶺海聲價動京師又有送貞還貴州詩楚山鬱重重巴水深浩浩丁賦亦有詩送貞豈其從貴竹家敬者耶田按沈南疑云士幹疑從貴竹移家溆浦者韓履祥丁賦均有送士幹還貴州詩錄明黔詩者當自士幹始矣惜邵亭輯黔詩時不及見之

題深雲卷

軒搆深雲隔杳冥一時遮斷萬山青谷中虎嘯風搏陣洞口

龍歸雨帶腥卧石衣襟嘗自冷出林鐘磬慣曾聽披圖作者

明詩紀事卷二十三

七

皆前輩小筆何由問草亭自合出林避澤野曾撰遊圖詩者

揮掃陳謨

風塵謨字一德泰和人洪武初徵至京引疾歸有海棠集

十卷

四庫總目謨集中通塞論一篇引微子箕子反覆申明謂革代之時不必死節最爲害理故其表鄒州時爲太祖吳元年元尚未亡已爲衛官作賀表而集中頌明功德不異而足無一語故君舊國之思則與柴桑東籬之志固已殊矣至文體簡潔詩格春容東里淵源實出於是其在明初固泯泯乎雅音也

溽暑作古意

溼雲涵薄霧日光如鏡塵楊花吹滿床燕雛嬌近人雙雙白

練帶銜得櫻桃新

困多病不如塵生風自卷蕉心先雨開菱花後時翦宿有錦

字書教兒床頭展

金柑花

金柑花韶霜銀雪盈
極杈獨當伏日偏
榮莠綠珠金彈葉重
遮半黃可恨飄籬笆
數枝尙復秋始花花
不成實徒紛紛葩高
枝蠹穴心久瘦秋高
恐畏成枯槎抉蠹椎
鑿何當加低株三尺
陰篷萑始自脫略茅
與蔣試花寂厯陰晴
靄秀色已似卑梨植
后阜嘉植楚甸誇憶
昨包貢天王家兼程
星火疲驕駟蓬萊歌
鐘觴九霞傳柑曲宴
恩波奢廬飛道斷虎
奮牙下州斬伐無根
芽他園見之何悵邪
天王北狩黑海涯故
侯誰種青門瓜楊梅
荔子金枇杷紛紛並
得登籠斂金柑花委
香屑玉同塵沙行歌
花底沾烏紗歌成謾
起園官嗟

明詩紀事卷二十三

八

別曲江參謀孫舜元

北望冰天冷南遊瘴海涼
衣霑柳葉露酒送荔枝漿
上相憐才美邦人浴化良
向來經濟熟知不愧襄黃

題隱者山房

隱者壺中日仙家
劫外天晴虹出丹室元
鶴戲芝田待客沈
香火清神枸杞泉
何當謝塵事閑說赤烏年

榕樹下別參軍再賦就簡指揮

榕陰翠蓋倚重重
相送城南復向東
上將故多黃石略
參軍况是紫髯翁
重題錦字雲生紙
獨轉滄浪月滿蓬
徒倚松根看野色
青山縹緲意何窮

梁蘭五首

蘭宇庭秀泰和人有哇樂先生集

田按庭秀陳一德弟子才調不及其師而音節和粹乃復相似

西哇自適

守拙一圃間衡從五畝餘藝麻在高邱雜以果與蔬春至百草生趁晴聊荷鋤筋力豈不勞蕪穢亦已除家人會知我慰以酒滿壺偶坐斟酌之日落西山隅歸來北窗下我心一事

無

田按楊東里作庭秀墓誌稱庭秀日與故人尋山水之樂花竹賦詩任意所適於邑西柳溪之上聞哇蔬雜植時歌以自適此詩即其一也庭秀子潛官贊善數篇樂詩索和於同僚王希範蘇伯厚王孟揚高廷出哇樂詩索和於同僚王希範蘇伯厚王孟揚高廷禮皆有和章附錄於此希範詩索居南野外頗於人其事疏灌以足晨夕過茲數所須固窮諒吾分貧得甯

明詩紀事卷二十三

九

匪愚視草而終身樂哉常晏如前哇樂晚菘後哇鬱新葵感茲時物嘉濁酒聊自持青山繞我屋涼吹我衣今辰不為樂鼎將何施大化不可測吾生豈垂柳陰我門來往絕茲心不吾欺伯厚詩曲衣褐徒除彼與言孰云往絕茲心不吾欺伯厚詩曲衣褐徒矯首觀飛雲床頭有濁醪欣然自開尊盤足清濁漚童雅笑語喧醉臥松檐下焉知賤鳥雀遠舍喧感茲時物嘉濁酒聊自持青山繞我屋涼吹我衣今辰不為樂鼎將何施大化不可測吾生豈念我饑當筵來荷鋤我園在灌木滋穢燕日猶未闕妻子理咄哇倦取窺我園在灌木滋穢燕日猶未闕妻子發新語兼不知險與艱春陽釋所膏百卉農且餘凌晨荷鋤往蕪穢一泉脈舒暢隙地還藝蔬羣雀噪我傍饑鳥行哺雛感茲物性微刺長不紆歸來洗懷抱聊以倒一壺何必役名利終年抱區區禮詩書青出長繞屋流水自通渠不替紕心無繫邱園樂氏

書 卷之三 明詩紀事卷二十三 九

題漁父圖

湘水綠於藍，數峯青可數。高柳一溪陰，投竿擬何許。莞爾歌
滄浪，揚舫下修渚。

題畫

泉鳴一澗長，雲去兩崖碧。結茅背松坡，境偏絕塵迹。兀坐閱
古書，可以永終日。

贈別

門有車馬客，長揖別我歸。客行歲云暮，霜雪沾人衣。居人送
客城南道，北風獵獵吹沙草。君今一去來何時，昨日相逢苦
不早。君當為我歌，我當酌君酒。酒酣拔劍起，芒光射牛斗。寶
劍乃神物，請君慎藏之。土花繡澁，毋足惜。風雷變化須有時。

明詩紀事卷二十三

十

遊武山和韻

武姥樓閣山之巔，數家茆屋依山前。樓岩白雲晴冉冉，繞林
碧篠寒娟娟。仙子索詩請題壁，樵叟煮茶呼引泉。憑高騁懷
極，幽賞使君佳句令人傳。

唐桂芳七首

桂芳一名仲字仲實歙人元至正中用薦授崇安縣
教諭再任南雄路學正明初攝紫陽書院山長有武

夷小稟白雲集略四十卷

四庫總目廬陵鍾晦撰桂芳行狀稱其文一以氣為主
今觀集中有與陳浩書稱嘗慕蘇老泉閉戶探蹟古
今上下融液胸臆故下筆源源而無艱險窘迫能輒
謂文不可學而能氣可以養而致此蘇老家法也蓋
之習詩亦清諧婉麗頗合雅音

程敏政新安文獻志朱大同云唐仲實詩清新流麗

格律高古
田按仲實武夷小稟白雲集略四十卷今罕見傳本

四庫著錄白雲集七卷蓋自程克勤所編唐氏三

先生集錄出廬陵鍾晦撰仲實行狀稱其為詩清新

流麗出語驚人而聲調格律鏗鏘劉亮讀之琅然悵

聽又謂太祖下詔訪問者儒僉院愈以朱升唐仲

實名聞召對稱旨有尊酒東帛街口賜四庫總目錄入

人姚瑉與唐仲實同迎暉於街口四庫總目錄入

明人集部蓋與錄陶宗儀南村集同意也仲實文宗

老蘇詩亦格律蒼老其和吳生維新詩云老來懶吐

驚人語水落寒沙和吳生維新詩云老來懶吐

花嬌青藜可以識其意趣矣

送鄒山長

精廬嘉樹合欣欣衆禽鳴相過豈不好胡為千里行三年振
文鐸遺經竇滿巖英英嗜學子隔竹聞書聲埽花散幽策坐
石移殘杵詩成似白雲亭亭峯巒生昔視秋蛾飛今送春鴻

明詩紀事卷二十三

十一

征歸來憐兒女歡笑綵衣迎父老三四人傾壺濁復清逍遙

練溪上於焉澹無營

送楊曾之浙東

佳麗金陵地蕭然爾獨居門無私客謁座有諫官書清切登
臺久光華入幙初浙東勞遠役民瘼問何如

程仲庸游京口留金山

我正無心懶似雲那堪奔走污緇塵飛花岸柳偏留客吹浪

江豚忽拜人玉帶暫拋煩轉語楞伽曾寫悟前身異時好說

金山寺幾箇漁舟喚渡頻

送湯君濟赴廣西憲幕

湯生浩氣揭晴霓白馬雕鞍新鑿蹏試吏早從公府辟徵書

始蘇志易恆宋蓮峯先生斗南之後能詩願行與袁
華同爲顧氏客
梅花草堂集恆性簡淡卜居淞南之大泗裏仰讀伏
思無域內想闢地數百引流種樹號曰泗園與有
所會嘯咏不輟以此終其身
田接久成詩自然流露不事鐫刻不愧陶情之號
鹿城隱居 盧熊所居

避俗龐公隱鹿門鹿城靜亦絕塵喧釣綠水北菰蒲渚窗俯
江南桑柘村書蠹字殘緇竹簡石魚銘古刻窪尊地偏舟楫
稀來往獨有煙潮到岸痕

睡起

睡起喚茶猶未醒強將物色與詩裁楊花易遣爲萍去春夢
難憑化蝶來草信無名生自得鷺知有性立還猜出門一笑
忘情景濯足清江坐碧苔

明詩紀事卷二十三

三

韓奕

四首

奕字公望吳人有韓山人集四卷立置卷出門一矣
姑蘇志奕雖居塵市而樂事遊覽放浪山水間褐衣
芒屨一童自隨往來山僧野客家累月不去或時藉
草而坐微吟長嘯人莫測其意性穎敏博學尤工於
詩洪武中與王賓俱隱於醫賓既爲郡守姚善所禮
乃後因賓致奕奕終不往一日與賓詣之奕走榜仰
山善隨至奕泛小舟入太湖善嘆曰韓先生所謂名
可得聞身不可得而見也

次韻答王宗常

嗟君荒嶺外高卧日蹉跎古道人來少閭門葉落多家貧因
世難身病是詩魔一自山中別流年疾似梭

獨卧

高堂四壁空百首卧衰翁往事浮雲散餘生落日同早蟬鳴

柳樹晚蜨繞幽叢惟有青山色多情在望中

逢故人夜飲話舊

風色蕭蕭木落天故人解后會尊前青燈照影冷清夜白髮
聽歌感少年身未死前惟別苦難相忘處是情牽不因世故
身親見肯信人言海變田

二月二日寄友

頻年芳節兩匆匆往事閒思半夢中江郭春寒連夕兩海棠
花信幾番風萋萋遠浦迷芳草歷歷青天沒斷鴻悵望思君
無限意扁舟一醉故人同

王賓一首

賓初名國賓字仲光長洲人有光菴文集吳下古蹟

明詩紀事卷二十三 南

詩

蘇志仲光博綜文籍經史諸子歷數兵政百氏小說靡不該貫制行奇狷不娶不宦姚善為守特往求見仲光執禮抗節風軌甚高
田按高季迪周正道皆有姑蘇雜詠仲光有吳下古蹟詩一卷詩綜題作姑蘇雜詠非其實矣

蔡經家 吳地記在朱明寺西

方平不見再來遊惟說麻姑去海洲人世桑田今幾變蔡經

家在寺西頭 人言蔡經田

滑壽一首

壽字伯仁 唐肅丹崖集作得仁先世襄城人徙儀真後又徙餘

姚白號櫻甯生

四庫總目難經本義二卷滑壽注壽卒於明洪武中故明史列之方技傳然戴良允靈山房集有懷滑櫻甯

繫艇浪痕深山寒翡翠巢密葉日暮鷓鴣啼遠林此時世慮
淡如水聯床燈火百年心

林枝一首

枝字昌達閩人有效擧集

田按昌達詩集竹垞從林孝廉估借觀錄之惜今不
傳余檢曹石倉歷代詩選補詩一首

飛仙巖

高臺聳雲漢壁立何崔嵬昔年有仙人跨鶴茲山來殮霞鍊
金鼎九轉超凡胎空餘松下石積兩生莓苔

陸中 四首

中字與權興化人有蒲栖集二十卷

明詩統與權少遊揚鐵崖之門長而放浪江湖不干
榮利吳郡太守鄒奕爲之立傳

明詩紀事卷二十三

六

簡余處恭

林皋黃葉落浙浙動秋聲白雨朝來急金風午後清酒澆羈
客況詩寫故人情因識浮梁尹雄談四座驚

思家

黃河樓前楊柳花紛飛似雪墮汀沙自知久客謀身拙可奈
逢人笑鬢華風雨一春愁裏過關山千里望中賒武昌魚美
非吾願孤枕殘燈夢到家

揚州

錦帆三月過江都借問瓊花尙有無煬帝行宮春寂寞廣陵
煙樹晚模糊東風芳草連詩社落日青帘映酒罇二十四橋
今夜月清光偏照客心孤

野齋贈日者

雲屋俯然物外清
松陰猿鶴伴平生
疏林斜照迴江影
絕壑飛泉落澗聲
讀易夜深窗月冷
垂簾秋靜篆煙輕
何人爲問堵機石
始識君平賣卜名

明詩紀事卷二十三

七

君平賣卜名

飛泉落澗聲讀易夜深窗月冷垂簾秋靜篆煙輕何人爲問堵機石始識君平賣卜名

野齋贈日者

野齋贈日者

明詩紀事卷二十四

貴陽陳田輯

甲籤

李暉 五首

暉字宗表錢塘人洪武初國子助教有草閣集八卷

四庫總目暉詩才力雄贍古體長篇大抵清剛雋上矯矯不羣近體亦卓犖無凡語雖為高揚張徐諸人盛名所掩實則竝駕中原未定孰居先後

金華詩錄草閣先生以薦官國子助教病免卜居永康明詩綜錄草閣詩以為錢塘人蓋草閣原在錢塘北關外也然壽山方巖石室大通寺屢見吟咏

醉吟云近來結屋翠峯下我家住近東屏山則其移居永康可徵

明三十家詩選草閣詩源於杜陵七古力勁神完縱橫如意有駿馬下坂之勢

田按草閣本以古體見長詩綜採錄已多故轉詳近體

明詩紀事卷二十四

王子約雙鉤竹歌

王君金華人畫竹誇當代此竹乃是鉤勒之所為坐上千人

萬人愛愛君為人清拔俗興來踏遍篔簹谷籠鐘桃枝紛入

眼籊籊篔簹常經日往年曾見吳門道士張溪雲歸晚軒中

事幽獨有時不作山水圖戲拈銀毫書此竹王君筆法乃過

之比似張生更神速王君寫竹能寫形脫略粉墨辭丹青或

如金錯刀或如鐵鉤鑱或如銀嶠寶勝之飄飄或若金節羽

衣之婀娜或如白鳳尾或若蒼龍髯天機逞其妙形狀何瑰

奇唐時亦有蕭協律所至清風起蕭瑟眼昏手顛藝轉工一

十五莖稱絕筆宋時亦有文湖州畫竹人推第一流能令萬

籊起匡谷出墻之稍為最優東坡作竹短而瘠別試龍蔥在

林僻玉堂多暇圖一枝復有小坡能畫石前元作者李仲賓
瑣珥卓立無纖塵蘄邱家世不易得父子相傳俱絕倫吳興
學士趙公子飛白之石誰能比水晶宮中春日長移得藍枝
落窗几後來又有柯丹邱大葉長梢動晷旒天顏有喜頻賜
子晚節衰颯江湖秋諸公畫竹工畫影隔簾彷彿瀟湘景我
欲鼓柁遊瀟湘碧雲萬頃浮天光美人娟娟隔秋水欲來不
來空斷腸我來乘風發清嘯扁舟直過湘妃廟中流鼓瑟聲
鏗鏘和取湖南竹枝調何如曩昔行李遊京都故人爲我共
作翠竹紅梅圖原父寫梅君畫竹價重已壓青珊瑚挂在成
均之左廡交遊軒冕觀如堵天上歸來十二年柴扉草閣荒
山田此君風節還依然王君王君聽我語我歌長歌日起舞

明詩紀事卷二十四

二

花溪水接雙溪長與君百里遙相望不如坐君西郊之草堂
歛坑舊硯楮而蒼鵝溪素練雪色光風晴老嫩任君寫無使
古人專擅長

大硯齋二筆金華王葑字子約善畫竹多用鉤勒與
蘭溪徐良甫梅徐舜舉書號三絕蘇伯衡嘗爲鉤勒
來定蘭竹歌以美之

贈朱原達

江海相違二十年今晨相見一欣然已同葛亮吟梁父况有
侯芭識太玄深谷鳥啼雲似水遠林花落雨如煙酒酣不省
他鄉客尙憶西湖小畫船

送戚縣尉之會稽

越州船樣小如梭婦女牽船唱越歌秦望山宜蓬底看賀家

湖向鏡中過青袍作尉登臨徧綵筆題詩感慨多况是右軍遺跡在未須射鴨且籠鵝

送永嘉葛令歸燕

人人盡說丹砂令三載容成德化寬但識絃歌能變俗豈因松菊便辭官扁舟落日孤城遠二月黃河春水寒從此去天纔尺五故鄉風物是長安

呂思純見訪贈詩用答其意

梅雨三日溪水深一舸來訪見幽心洗杯行酒月在地開戶讀書風滿林子才可陳賈誼策我醉但鼓陶潛琴空山茅屋少供給持此以報雙南金

胡雲端一首

明詩紀事卷二十四

三

雲端字騰霄新淦人洪武初浙江副使

玉梁觀

異境闕琳宇深溪卧玉梁雲山莽回互水月淡微茫谷暗紫蘿合澗春瑤草芳野橋通石棧仙奕隱茅堂尋壑聞猿嘯飛空看鶴翔何時脫塵鞅棲遲詠洞章

蕭執三首

執字子所廬陵人洪武庚戌舉人授國子監學錄

田按子

所為國子學錄三年以父老乞歸家居太和

竹千

其後徙武山連山環峙澄溪分流雜樹千章巨

易其

至樂哉匪徒辭榮得遂養志可謂至言子所與

劍驚

重北還家乃後先西樓初看竹南澗復聽泉神

所詩亦清勁

西昌驛

龍門道場西昌驛萬室鱗鱗照晴碧驛前野草如人長不聞
 馬嘶空斷腸十年喪亂徧南紀月窟權奇淪萬里祇今官府
 重輿臺誰復置郵能致此古道迢迢春復秋北有螺浦南灘
 頭城郭雖非路長在過者倉卒難淹留驛山碧鳥半無主鴟
 鳶作巢滿松樹行人莫指杏花村酒樓蕭條空掩門黃塵滾
 滾風浩浩請君暫閱西昌道

雲峯寺次劉子高韻

初陽陟層巘松徑劃然開涼飈動嘉樹飛瀑吼晴雷避俗僧
 初定看山客正來兒童披短褐顛倒掃莓苔

明詩紀事卷二十四 四

劉子高贈王明善依韻以和

匡廬之山瀑布泉老子結社來何年林間經罷常隨鹿雲外
 樵歸或遇仙坐石有時巾掛樹焚香終日袖攜煙市南別有
 秋江水種得花開總是蓮

周昉二首

昉字原亮浙江新城人

田按原亮杭之新城人與徐大章友善大章為其父
 德驥作小傳稱周氏其先汴人四世祖從高宗南渡
 僑居杭之新城其後遂占籍焉曾燠江西詩徵錄作
 江西新城人誤矣大章稱原亮端慤有至行詩見滄
 海遺珠其因何事至溧今不可考矣

寄楊子東

錢塘舊友知誰在萬里滇南見子東夜市門茶涼雨後晴湖

載酒夕陽中龍梭織景翻新樣鳳綉縈絲記舊工不是吾儕
不歸去六橋行處草茸茸

寄素軒公

行馬縱橫進謁時不干聲色尙文辭深藏結綠千金劍小試
抽黃七字詩聚遠有樓堪縱目在官無事且開眉欲知王謝
人家樂霽月光風靄墨池

樓璣一首

璣字士連金華人

田按士連詩見滄海遺珠

送鏡中照上人兼柬斗南和尚

舊住扶桑第幾山偶然蹤迹落人間蘿衣拂露辭秋壑藤杖
扶霜度曉關溟海飛來孤月小點蒼留得片雲間殷勤爲報

明詩紀事卷二十四

五

圓通客鶴背秋風好共還

鄒奕一首

奕字弘道吳江人元進士除饒州錄事洪武初贛州
知府坐事謫甘肅永樂初赦還有吳樵藁

水東日記蘇州鄒弘道有文行國初謫關西與一時

知名士若江右夾谷希顏三衢徐蘭與善錢塘童權

與可天台姚文昌錢塘楊志善山東趙敬主一秦州

劉純宗厚同郡沈繹誠莊陸禕彥吉斐江丁晉仲敏

爲倡和友詩文甚多仲敏蓋吾崑人也弘道尤有文
名關中以弘道文章誠莊唐律夾谷希顏篆書爲一
時兼美云
始蘇志弘道秀日美髯貌若玉雪論議英發文詞高
古

題倪瓚畫

落星灘上拾珊瑚淚洒倪寬舊畫圖夜鶴歸遲華表冷春雲
散盡墨池枯九苞文彩俱零落一代風流更有無君若九原
知我在應憐形影塞垣孤

丁晉 六首

晉字仲敏崑山人

田按仲敏詩見水東日記和誠莊韻五首列朝詩集
誤作鄒弘道詩

和誠莊韻五首

關塞同爲客王門共曳裾青雲應咫尺白髮竟何如忽憶吟
梁父長懷賦子虛所嗟衰朽質多枉故人書
春來倦行樂春去卻尋幽花落隨風舞溪喧帶雨流乾坤眞
逆旅身世似懸疣何物令人羨忘機海上鷗

明詩紀事卷二十四 六

閒居忘俗累行樂喜芳春露滴烏巾墊花迎白紵新清歌移
晚興佳句滌襟塵處處香醪熟誰家味最醇
荏苒傷春晚蹉跎惜鬢華家居猶未定社酒不須賒花柳知
無恙雲山畫莫加尋芳徒步好何用早將車
長鬚攜尺素邀客扣塗茨筋力非前日襟懷似昔時酒從花
下酌船傍柳邊維風景還堪賞重遊也未遲

寄誠莊詩

芝軒先生人中仙儒醫並稱世所艱顏井泉通上池水孔壇
杏接匡廬山焚香鼓琴白晝靜吟詩淪茗青春閑老樵何幸
忝知已日日杖藜相往還

陸禔 一首

禱字彥吉蘇州人洪武初謫甘肅

田按彥吉詩見水東日記

題山水圖

誰寫雲林景亦奇，卻如吳嶺越來溪。柴門未啟雞初唱，竹院纔開鶯亂啼。藹藹煙籠花樹合，溥溥露浥柳梢低。令人萬里鄉心切，吟斷東風望欲迷。

高輝祖 一首

輝祖字孟顯莆田人

元日慈壽巖遠眺

海曙新開五色霞，萋萋芳草碧天涯。虹橋紫氣連三島，雉堞寒煙鎖萬家。閒引清尊浮柏葉，醉聽玉篴落梅花。壯懷不愧

明詩紀事卷二十四

七

乘槎客何事，空居感歲華。

陳維楨 一首

維楨字用祥莆田人

壺山寺

上方臺殿靄蒼蒼，及此春遊興倍長。看竹解題高士句，尋山還宿遠公房。徑花故點青苔色，潭雨新經細草香。欲問空虛身外性，鳩鳴嘯處又斜陽。

范再 一首

再字緝齋休甯人有耕隱稿

月夜與日欽朱先生坐草齋

草屋儲書傍竹低，屋東野草與牆齊。夜深開戶放月入，不耐

莎鷄竹外嘯

金居敬 一首

居敬字元忠休甯人

新安文獻志居敬師朱楓林楓林經傳旁注居敬校正之力居多

丁酉冬與楊季成宿邑南田家夜次趙子常韻呈徐縣

丞張總管

擁被依鑪話夜分山城更漏喜初聞客懷茅舍青燈伴詩思
秋空白雁羣冷掾官曹間似水將軍車從密如雲東湖孺子
文章伯旦暮移尊獨向君

胡安 一首

安字伯康歙人

明詩紀事卷二十四

八

見山堂

家住龍山山下村誅茅卜築傍雲根呼兒耕罷檢書策對客
哦成共酒尊紅雨過簾花結子綠雲垂地竹添孫靜觀自得
悠然趣何用區區隱鹿門

韓廉 一首

廉字仲廉婺源人

新安文獻志韓樵墅好學能詩文兼工翰墨時人目爲三絕

題秋江獨釣圖

孤舟蕩漾出江千秋水涵空綠樹寒更盡水源尋絕境莫教
征稅及漁竿

江敬弘 一首

敬弘字斐然休甯人有斐然集

新安文獻志斐然師趙東山博學能詩洪武初以吏
謫濠梁時會稽唐肅錢塘董嘉吳中王端臨川元璋
甬東王胄天台梁楚材劉昭文皆謫居濠上相與結
詩社後免歸

吳華六言

門掩蒼苔綠竹路通白磬青山幾處蟬鳴日永坐看林鴉暮

還

金夢巖

夢巖字伯明休甯人

九賢詠

請命轅門事可徵為民甯復計金繒花封細讀題名記只有

先生不負丞

休甯丞趙公象元

明詩紀事卷二十四

九

天半鄭昂

黃俞鍾昂字處抑温州平陽人有密菴集

林處士幽居

山籬短短徑斜斜屋子三間竹半遮歲僅無僧供菜把天寒

有鶴守梅花武陵流水非秦世姑孰青山落謝家共約春晴

草芽動杖藜攜酒踏晴沙

田按處抑

田按處抑天寒有鶴守梅花句項易菴寫為圖
朝入內府編入石渠寶笈乾隆中彭文勤掌翰林
院以此句課庶古士因倩畫工重摹此圖翰苑諸公
多有七言長律題於畫隙一時輾轉傳寫阮文達則
倩李祥鳳為圖沈文格則倩宋葆淳為圖余皆得寓
目焉

游莊

莊字子敬然村甯人官斐然集

問宋子瑜歸

朝聞幕府解戎衣夕向空山覓紫芝彈鋏自傷爲客早折腰
方嘆去官遲蕭蕭白雁西風動采采黃花夕露滋卻憶江波
垂釣叟白頭猶作帝王師

陳安一首

安字克盟

高大使吳淞歸興圖

楓落吳江白雁飛天涯遊子正思歸香消夜月青綾被涼入
秋風白紵衣江浦蒹葭含宿雨驛亭楊柳帶斜暉分明記得
西湖上載酒蘭舟近翠微

王中一首

明詩紀事卷二十四

十

中字懋建

閒居述興

老來眞懶慢林下復無營樵牧通名姓禽魚識性情臥聞黃
葉落坐看白雲生更愛茆齋夜冷冷風月清

顧協二首

協字允迪無錫人有鳴志齋稿

田按顧允迪王懋建詩皆有閒適自然之趣

江上有懷鄭山人

故人不可見悵望晉陵東客久夢多異身閒詩益工山寒雲
護雪江暝水涵空若買扁舟去應消半日風

自遣

衡門無客過終日懶衣冠身賤埋名易家貧殉俗難就風移
臥榻選竹作漁竿賴有青山色長年得笑看

謝林 一首

林字瑤樹武進人有雪樵集煮雪窩臺

田按瑤樹龜巢老人子倪雲林稱其隱居教授以樂其志家無儲粟不爲愁苦無聊之言蓋亦高蹈之士所謂此父此子也

初夏寄倪元鎮

溪上夜來雨青林密如霧日出檜柏香沙靜鳧鷺聚野夫抱
琴出喜與樵者遇黃鳥時一鳴綠陰已無數緩帶受回風蕭
帽粘落絮感物發長謠放懷缺清醕胡爲勞其生終歲牽百
慮願言廬霍期逍遙共遲暮

明詩紀事卷二十四

十一

蘇軾言廬霍期逍遙共遲暮

蘇軾言廬霍期逍遙共遲暮

蘇軾言廬霍期逍遙共遲暮

蘇軾言廬霍期逍遙共遲暮

蘇軾言廬霍期逍遙共遲暮

謝林 一首

謝林言廬霍期逍遙共遲暮

謝林言廬霍期逍遙共遲暮

